

欽定石渠寶笈三編

欽定石渠寶笈三編

延春閣藏十八

列朝名人書畫

明宣宗畫花卉草蟲

一卷

明宣宗畫松陰蓮浦

一卷

明宣宗畫金盆鴉鵲

一軸

明宣宗畫山水

一軸

明宋濂自書戴曾伯序文

一卷

明冷謙勞軍細柳圖 一卷

明冷謙壽山福海圖 一軸

明楊基書鄭元祐撰陶垕行狀 一卷

明張羽畫寒巖積雪 一軸

明徐賁畫山水 一冊

明徐賁畫山水 一軸

明徐賁畫山水 一軸

明徐賁畫溪山亭子 一軸

明宋克畫花卉

一軸

明方孝孺書默菴記

一卷

明王紱萬里江山圖

一卷

明王紱送別圖

一軸

明王紱畫古木竹石

一軸

明王紱畫古木竹石

一軸

明夏昺畫修筠拳石

一軸

明夏昺湘江過雨圖

一卷

明夏景畫竹一卷

明夏景三祝圖一軸

明沈度書朱子年譜四冊

明邊文進畫羣仙拱壽一軸

明趙壽猿猴獻壽圖一軸

明宣宗畫花卉草蟲 一卷

本幅絹本。縱一尺一寸六分。橫七尺七寸八分。設色畫花卉草蟲款。宣德二年。歲次戊申春二月。武英殿御製。賜狀元馬愉。上鈐武英殿寶。

後幅題跋

為愛溪頭紅蓼花。秋來獨作草蟲家。尋香粉蝶應隨夢。采蜜黃蜂不趁衙。絡緯語殘涼露

滴寒蟬立。因晚風斜。畫圖渲染驚初見。却似
扁舟過赤沙。檉居杜葦。鈴印二。杜葦之印。檉
居。右宣德御製草蟲一卷。真有天趣。凡點
染禽魚蟬蝶。多有思致。各擅其妙。此卷向為
王澹菴秘藏之物。今吾鄉陸太常得之。誠鑒
賞之冠。暇日示予。援筆書此。山陰劉士傑鈴
印一。劉士傑印。五湖陸師道曹觀鈴印一。
陸氏子傳。

鑒藏寶璽

五璽全

寶笈三編

收傳印記真賞汪口之印錢氏叔寶杜綰印

章

註案馬愉字性和臨朐人宣德丁未賜進士
第一。歷官禮部右侍郎。有澹軒集。杜莖字儼
男。號橙居古狂。丹徒人。考見綺編。畫史會要
作陸莖云始姓杜也。

明宣宗畫松陰蓮浦 一卷

本幅紙本。接裝二幅。皆縱九寸七分。前幅橫三尺五寸。淺設色畫偃松磐石。芝草萱花。襯以遠山雲氣。款宣德二年五月。御筆。賜趙王。上鈐皇帝尊親之寶。接幅橫三尺一寸一分。淺設色畫荷蓋蓮房。文禽水藻。款御筆。上鈐安喜宮寶。

卷內鈐

高宗純皇帝寶璽乾隆御覽之寶

鑒藏寶璽

五璽全

寶笈三編

收傳印記安儀周家珍藏珍秘心賞朝鮮人
安岐之印

明宣宗畫金盆鵲鴿 一軸

本幅絹本。縱二尺七寸一分。橫一尺四寸六分。設色畫鵲鴿四。貯水金盆一。鈴璽一。雍熙世人。

軸內分鈴

高宗純皇帝寶璽。乾隆御覽之寶。乾隆鑑賞。

鑒藏寶璽 五璽 寶笈三編



明宣宗畫山水 一軸


本幅絹本。縱五尺五分。橫一尺六寸六分。青
綠畫白雲碧嶂。綺宇瑤林。款宣德六年御筆。
鈐璽一。武英殿寶。

鑒藏寶璽

五璽全

寶笈三編

收傳印記 玉殿侍臣中書省官章



明宋濂自書戴曾伯序文 一卷

本幅紙本。接裝二幅。皆縱一尺二分。首幅橫三尺七寸。行書剡源集序曰。宋季蔽矣。應用為急。偶儷為奇。覲然自負。稍上之則穿鑿經義。隳括聲律。孳孳為譁世取寵之具。又稍上之。剽掠前修語錄。佐以方言。累千百而弗休。且曰。我將以明道。奚文之為。又稍上之。騁宏博。則精粗雜糅。而畧繩墨。慕古典則刪去語助。

之詞而不可以句。顧欲矯弊而其弊尤滋。私自念辭章在世。如日月之麗乎天。雖疾風暴雨。動作無時。將不能蔽蝕其精明。獨怪夫當時之士。奚為乏一人障其狂瀾耶。復念豪傑之士。何代云無。第區區所見孤陋。故鮮能知。非誠然也。及覽先生之文。新而不刻。清而不露。如晴巒出雲。姿態橫逸。而連翩弗斷。如通川縈紆。十步九折。而直瀉怒奔之失。

按此句而字下

疑脫無字嗚呼。此非近所謂豪傑之士耶。戴公名

表元。字帥初。一字曾伯。慶元奉化州人。洪武四年秋宋濂序。鈐印一。金華宋氏景濂次幅橫三尺一寸四分。行書。劉勰論文有云。論說辭序則易統其旨。詔策章奏則書發其源。賦頌歌贊則詩立其本。銘誄箴祝則禮總其端。紀傳文檄則春秋為之根。嗚呼。為此說者。固知文本乎經。而濂猶謂其有未盡焉。何也。

易之象象有韻者。即詩之屬。周頌數陳而不
協音者。非近於書歟。書之禹貢顧命。即序記
之宗。禮之檀弓樂記。非論說之極精者歟。况
春秋謹嚴。諸經之體。又無所不兼之歟。錯綜
而推。五經各備文之衆法。非可以一事而指
名也。無款印。

後幅題跋

金華先生以文雄視一世。精深莫及。右作乃

戴曾伯先生序文。其詞意臻妙。書法遒勁。自脫常格。閱之數四。若玉雪在前。珠露蔽野。灑然清思之逼人。也。獲是卷者。能不以犀目並珍。而什襲謹藏。以貽其子孫哉。庸識其尾。以紀歲月云。正德戊寅孟冬後九日。吳郡唐寅書。鈐印三。吳郡唐伯虎南京解元。

鑒藏寶璽

五璽全

寶笈三編

收傳印記。天籟閣。桃里。若水軒。重項叔子。項

墨林鑒賞章。退密墨林甫。子孫世昌。項墨林
印。樛李項子京家珍藏。子京所藏。子京。重樛
李項氏士家寶玩。重項墨林甫秘笈之印。學
圃堂印。寄傲項元汴印。子京甫印。

謹案藏來元。宋咸淳中登進士乙科。兵亂不
就官。元成宗大德八年。以執政薦。除信州教
授。再調婺州。皆以疾辭。其後翰林集賢以修
撰博士交薦不起。著有剡源集。其字貫已詳
宋序。

明冷謙勞軍細柳圖 一卷

本幅絹本。縱一丈六尺七寸五分。橫一尺二寸。設色界畫。畫細柳營。旁繚以垣。前塹以濠。亞夫戎服坐中庭。士吏甲冑拱立軍門外。一騎持節傳語。步卒相望於道。騎士十數導漢文帝輦按轡而行。後騎無算。旌旗絡繹出沒於碧林青嶂之間。款湖湘龍陽子為三丰遊老作。鈐印二。冷謙龍陽子。

後幅題跋

勞軍細柳圖卷。乃龍陽子湖湘冷君所作。君
武陵人。名謙。字啟敬。龍陽其別號也。中統初
同邢臺劉秉忠仲晦。從沙門海雲。書無不讀。
尤邃於易。及邵氏經世書。天文地理律呂。以
至衆技皆通。至元間。秉忠入拜太保。參預中
書省事。乃棄釋業。儒遊于磨川。與故宋司戶
參軍趙孟頫子昂。于四明史衛王彌遠府。覲

唐李思訓將軍畫。而遂効之。不月餘。其山水人物樹石。無異將軍之筆法。傳彩更加纖細。由是以丹青鳴於當時。隸淮易。遇異人授中黃大丹。出示平叔悟真之術。頽然而悟。如已作之。至正間則百餘歲矣。綠髮童顏。如當方壯時。值紅巾之暴。君避於金陵。以方藥濟人。天朝維新。君有畫鶴之証。隱壁仙逝。則君之墨本。絕迹不得見矣。至元六年五月為余作

仙奕圖。此卷乃至正二年春三月作也。吾珍
藏若連城之璧。未嘗輕與人觀。余恐後人不
識冷君之仙筆。混於凡流。故特識之。永樂壬
辰孟春三日。三半遜老書。鈐印一。仲獻。

鑒藏寶璽

全五璽

寶笈三編

謹案冷諫字啟敬。武陵人。考見續編。張三丰
名君寶字全一。一字元元。別號保和。容恩三
丰子。人目為還過張。遼東懿州人。金時修煉
寶雞縣。送金壘觀。元時學道鹿邑太清宮。洪
武初復來寶雞。太祖四方求不得。成祖靖難
後至京師。英宗封為通微顯化真人。見名山

藏

明冷謙壽山福海圖 一軸

本幅絹本。縱五尺七分，橫二尺二寸。設色畫
滄海洪波。三山縹緲。原題茫茫一瀛海。渺渺
三神山。浴日魚龍見。浮天星斗斑。洪濤晦霧
外。蒼翠有無間。何日金銀闕。乘風採藥還。漱
陽鈐印三黃閣。清風綸扉漫興。少保之章。
舊題籤

冷啟敬壽山福海圖。神品。江上外史。笈重光

題鈴印一。在辛。

鑒藏寶璽

五璽全

寶笈三編

收傳印記。退密神品。楓溪戴二樵珍藏書畫之章。常口真賞。東嘉口口口珍藏圖書印。口山主人珍藏子京父印。墨林秘玩。項墨林父秘笈之印。

謹案。潞陽當是趙志皋。攷志皋字汝邁。蘭谿人。隆慶戊辰進士。第三子。歷官少傅。吏部尚書。建極殿大學士。贈太傅。謚文愍。有潞陽集。

明楊基書鄭元祐撰陶烜行狀 一卷

本幅紙本。縱八寸九分。橫三尺六寸三分。楷書。元故白雲漫士陶君行狀。君姓陶氏。其得姓始於堯。至晉長沙公。與靖節處士。皆已垂名無窮。更江左五朝。歷唐以入於宋。衣冠蟬聯。世不乏人。有家于台。台之族又別為四。其一在黃巖州。口口口口口口生太府寺簿。諱居安。寺簿生太學錄諱應雷。至元丙子。忠武

淮安王統兵平宋。偏師至台。學錄為鄉里請命。將版授以官。則曰。吾欲口父母之邦。口知有它。築室清陽谿上。藥病者。樗口口。賑飢者。煦寒者。妃繆氏賢。故志得伸。及生君。有異稟。未髫髻。便異常兒。稍長。從周先生仁榮學。達於易。下逮百家九流之學。皆通曉。學成。迺出遊。足迹幾遍天下。已而上京邑。王公貴人聞君言論。莫不驚喜傾下。然所持者。連城之璧。

照乘之珠。樛之武砮。魚目為病。於是翩然南歸。每曰。燕趙古稱多奇士。今所見何不逮所聞耶。既歸。齒髮方壯。而家貧。鄉里諸儒先勸君宜少屈以就祿。遂試吏蘭溪。州民盜驚當剗臂。君念其貧。輕驚。直得免剗。浙省檄補江陰州。州民劉鐵欲強犯趙屠妻。趙訟鐵。鐵抵臯。一日縛其妻犯之。且痛箠趙。幾至殞。趙察急捉刀剗劉。君謂事出倏頃。非有意故殺也。

趙得減死。州重建治所。君主辦社稷壇。厯久
寢壞。每春秋社祭之。元妙觀靈星門外。君白
於尹。社稷復有壇。調松江。創聽事後燕堂。若
干楹。君才優長。能使民不知役。而事集屬邑。
上海民徐德甫。訟戴千戶強刦二人。瘦死十
九人。具獄。民皆以為冤。君平反之。時部使者
韓公審獄。一如君所言。移文陞賞。君力辭。縣
豪民朱筦。坐戮死。籍其家。悉以兩家田賜丞。

相脫脫丞相威權震海內。差官南下。任腹心。
高成劉成副。以惡少年為爪牙。肆虐縱暴。設
計陷民財。民無辜被擄掠死者不可殫記。府
縣曲從風旨。莫敢誰何。王蕪善以母老被詬
辱。奮不顧死。言于官。官吏悉驚避。獨知府楊
侯伸痛憤之。意未決。君進曰。朝廷命公尹是
邦。寧忍坐眎赤子殞命於餓虎之頭。侯大喜。
即與君謀。盡逮繫窮竟所差官。詭文移省遣。

使至府考立府官皆震懼君獨抱案條析理
直辭明悉比律斷遣事聞丞相丞相賞以幣
以年勞除杭州東北隅錄事司典史畏吾人
伯不華與其妻忽刺真自昔同艱苦生女已
十歲一朝為省宣使乃娶忽都女觀音奴為
小妻小妻額美質豐饒善迎合至抑賤正妻
妻不勝憤不華擲刃以割弗斃瑾一室囚之
及其女日少予食欲俾餓死婢引兒訴主母

枉於官。錄事揮使去不敢受。辭君曰。此婢去
三人必俱死。於是叩頭白憲府。使得伸理。獲
全。伯不華雖以赦釋免。猶坐黜退云。至正壬
辰春。除信州弋陽縣。以病不赴。秋再除湖州
歸安縣。時方兵興。長興州已陷。浙省叅政脫
脫檄君與烏程縣各運糧二萬斛。給餽餉。君
募鉅艘二十以載糧。軍未至半道。潰。即指授
諸艘。使各有定處。甫二日。湖州陷。君日從叅

政畫計。過復湖州而軍無見糧。君走一介召諸艘。其至無時刻違。遂加賞賚。錄功中書。不報。方事變時。守土大吏望風奔潰。槌埋竊發。至有火人室廬。淫殺縱恣。君稟命叅政。按其臯不少貸。良民始復蘇。丙申冬。除紹興上虞縣。太息言曰。吾懷抱利器。其出將為家國天下用。而迺浮沉下寮。今年餘七十。其所蘊曾不得少試。以死尚何言。戊戌九月二十日卒。

於府城都昌坊之寓舍。享壽七十有二。妃趙氏。故宋宗室諱孟本女也。有淑德。先君十二年卒。葬黃巖州靈山鄉逍輿之原。今侍講晉陽張公翥為應奉時銘其墓。生男子三人。長宗儀。娶海道都漕運萬戶松江費雄女。次宗傳。娶錢唐於從正女。次宗儒。未娶。女三人。長適同郡杜蒙正子思綱。次適慶元路經歷寧國楊德榮子垣。次尚幼。孫女一。君之歿。時艱。

路梗寓殯會稽玉笥山之原其為人倜儻磊落於為義若飢渴居父母喪哀毀骨立四時薦享感愴怛悼待人以誠律已以廉蓋皆天稟然也君諱煜字明元嘗自號逍與山人又自號白雲漫士喜吟咏善樂章夫其所遊歷與其所交友及其所抱負當大有為可也而乃老死薄書期會間然觀其悉心吏牘不怵於世不溺於利享尊爵厚祿者媿於君多矣

庸述其履歷之概。以俟銘墓者采焉。至正十
九年正月。遂昌鄭元祐狀。至正庚子秋七月
既望。西蜀楊基寫。

鑒藏寶璽

五璽全。

寶笈三編

收傳印記。橫延閣書畫印。陶明發印。鴈湖陶
勝叔甫珍藏印。永真之印。朱氏象元。沿州合

同

半印重一。

謹案楊基。字孟載。其先蜀人。徙居吳。官至山西按察使。攷見續編。陶煜宗儀之父。已詳鄭

行狀


明張羽畫寒巖積雪一軸

本幅絹本。縱三尺三寸五分。橫一尺二寸。水墨畫。自題寒巖積雪。隸書。款。張羽。鈐印一。張來儀氏。

鑒藏寶璽

五璽全

寶笈三編



明徐賁畫山水

一冊

本幅紙本。八對幅，皆縱七寸八分，橫九寸九分。右幅一。設色畫嶺際青松，溪頭紅蓼。二。設色畫釣艇漁磯，雁行三五。三。水墨畫複嶂重巒，雲端高閣。四。設色畫紅葉疎林，片帆輕泛。五。設色畫遙岑蔥翠，山舍邨居。六。水墨畫層巖峭聳，別浦輕舫。七。水墨畫嵐靄空濛，荦簷低接。八。水墨畫疎林老屋，淺水平蕪。末幅款。

洪武十二年春三月東海徐賁寫鈐印二徐
賁之印。幼文氏。左幅空。

鑒藏寶璽

五璽

寶笈三編

明徐賁畫山水 一軸

本幅紙本。縱一尺九寸三分，橫一尺二寸二分。淺設色。畫層嶂懸流，小舟泊岸，有人策蹇從橋上行。自題：山靄籠嘉樹，層巖瀉楚泉。高人於此住，所得靜中緣。東海徐賁。鈐印一。徐幼文。

軸內分鈐

高宗純皇帝寶璽。乾隆御覽之寶。乾隆鑒賞。

鑒藏寶璽

全五璽

寶笈三編

收傳印記雪堂珍賞曝書亭珍藏

明徐賁畫山水 一軸

本幅絹本。縱四尺七寸。橫一尺九寸五分。水墨畫山樹如簪。清流可掬。茆屋中二人對語。一舟子搖櫓溪間。自題山中白晝永如年。綠樹清泉斷復連。豈是金沙無事到。自甘心卧硯池邊。東海徐賁並詩。鈐印一。幼文。

鑒藏寶璽

五璽

寶笈三編

收傳印記。墨林秘玩。子京父印。致軒鑒定。鬻

字辭

明徐賁畫溪山亭子一軸

本幅紙本。縱一尺八寸一分。橫八寸三分。水

墨畫遠山一抹。倚樹孤亭。款洪武乙亥端陽日。徐賁為肅雍寫溪山亭子圖。鈐印一。幼文。

鑒藏寶璽

五璽全

寶笈三編

收傳印記何元朗氏清森閣書畫印


明宋克畫花卉 一軸

本幅絹本。縱四尺二寸三分。橫一尺八寸五分。設色畫石榴。百合。石竹。護花。菖蒲。叢生石間。款甲午夏五月朔日。法元人筆意於翠幕山莊。宋克鈐印二。宋克之印。仲溫。

鑒藏寶璽

五璽

寶笈三編



明方孝孺書默菴記 一卷

本幅紙本。縱九寸五分。橫一尺七寸六分。小楷書。默菴記。會稽俞先生。年富氣盛時。嘗以驚世絕俗之智。懸河決峽之辯。為當時所推。既晚。更事益深。奉朝命為學者師於東南小邑。乃喜為簡默。號其燕處之室曰默庵。具弟子聞而疑之曰。先生之為斯號也。不亦異乎。人之達其志意。明天下之理。而成物化民者。

以其能言也。故教令不宣於家。則親愛疏辭。命不修於鄉。則長幼乖。軍旅不言。則無以用衆。賓客不言。則無以成禮。居乎朝廷。為大臣。而好循默。則難以定國計。和民人。為諫官。近職。而不務言事。則有曠官竊位之譏。先生為人師。以教民善俗為職業。封域之內。有細行之違。片言之悖。先生恥之。烏可以默自處乎哉。余聞而笑曰。是知默之為默。而不知默之

非默也。知言之不可止。而不知非默則不能為言也。子嘗見夫萬仞之淵乎。方其靜也。沉翕涵蓄。不震不激。泊乎無聲。杳乎莫測。惟其積之久而不妄出也。故一旦決而為川。達乎江河。聲之所撼。聞數百里。使其不深。而終日汨汨。如溪潢澗潦之為。則不崇朝而涸矣。安能澤加萬類乎。故士非能言之為貴。而發於不得不言之為美。道充於中。不得已而後言。

則其言必傳。無意於辨。不得已而後辨。則其
辨必明。昔者孔子之門。以言語稱者有矣。惟
顏子不言如愚人。然由後世考之。凡顏子之
言。皆可為天下準。與聖人之旨相表裏。而宰
予子貢。發言立論。輒多疵而不適乎中。豈非
好辨者未必能言。而善言者必本於默乎。先
生閱乎事變多矣。求乎義理精矣。知夫無益
之辨之不足務。蓋將即顏子而師之。而今而

後先生之道益隆矣。立乎朝則發而為正論，垂乎後則揭而為大訓。皆有道者之餘事也。先生之默，烏知非言之至者乎？二三子何患焉？於是疑者謝曰：子之言侶矣。請質諸先生，置之屋壁，以祛弟子之惑。自識。余不善書，偶得佳紙，錄此文未終篇，輒棄去。王君修德見而足之。珠璧在後，魚目奚所發其光邪？乙丑五月廿七日。孝孺戲題。無印。

後幅題跋

方正學之忠憤激烈。德器宏毅。學問淵涵。世所景仰。百世不泯。乃其書法之道勁精嚴。如端人正士。望之起敬。可以釋躁妄。收放逸。蓋意兼歐虞。妙出神運。未易窺其蘊也。讀斯記而知默可裕言。語非騰說。如愚盡道。多言數窮。聖人復起。不能易矣。今為與材顧世兄所珍襲。得一寓目。愧妙修拙腕。皆不足為先生

執鞭。惟與材其捧遺墨而得師資。不負稱橋
翁大司寇之文孫。蕃竊翹跂屬望之矣。泰昌
改元。孟冬幾望。江左後學朱之蕃敬書。鈐印
三。閒園朱之蕃印。少宗伯。正學先生書默
菴記。蓋有意於默者。其在建文朝。更制度。改
服色。絕不為默。比文皇召對。則不能屈其膝。
命之草詔。則不能奉其腕。臨刑。迺為絕命詞。
英氣忠節。宇宙間千古不滅。真以默為言者。

哉。鄭端簡公為先生作傳。有云。四方得公一字。寶於金璧。與材於二百年之後。藏其遺跡盈楮。寶之又當何如也。秣陵梁桂茂鈐印。二。惟榮父梁桂茂印。大司寇顧東橋公守台時。題侯城里二詩。蓋弔正學先生也。彼時雖屢經大赦。尚未敢直稱靖難時事。故詩題諱言之。神廟初年。詔故革除被罪諸臣。忠於所事。甘蹈刑戮。有司即所在祠之。墳墓苗裔。

存者。厚加卹錄。於是先生忠節益大顯。而人
人能言其激烈之狀。先生書默菴記。東橋公
藏之有年。今其曾孫與材出以示余。與振因
誦侯城里二詩。則東橋公生平所用重先生
者。蓋亦億禩同新矣。並錄公二詩於左。萬壑
千厓控海門。愁雲不散晝長昏。王裒枉積林
間淚。荀息難招闕下魂。直以孤忠懸日月。不
勞遺草落乾坤。椒漿欲奠知何處。古木含風

自吐吞。一點麻衣入帝廷。九天風雨晝冥冥。
雲迷杜宇遊魂黑。草染萑宏野血青。四海衣
冠收節概。萬年宗社屬神靈。英雄已去心難
死。長倚南箕化列星。武林後學姚履素敬書。
鈴印二。姚履素印。允初氏。叙童時曾誦服
方正學先生遜志齋文。而未獲覩先生手蹟。
頃從姚觀察見顧與材世兄所藏先生手書
默菴記卷。楷書十八行。行書四行。楷法顏柳。

行宗米蔡。外拓取姿。而中樞有法。秀勁端雅。不作險側態。豈正人心正筆亦正耶。昔人謂王逸少才行甚高。有遠識。惜不究其用。以書掩之。今先生手蹟不多見。其亦以大節掩之乎。茲敎幸得見所未見。披覽起敬。因綴言於後。汝南後學許天敎敬書。鈐印二。天敎。伯倫。引首。

正氣淋漓。朱之蕃題。鈐印三。竹林草堂。朱之

蕃印狀元宗伯

鑒藏寶璽

五璽全

寶笈三編

收傳印記

珍藏

印。無二無三。

謹案方孝孺字希直一字希古臨海人明史有傳。梁桂改善八分書官臨安知府許天敘字伯倫行書師孫過庭並見江寧府志姚履素仁和人歷官廣東副使見杭州府志跋中所稱東橋乃顧璘號璘字華玉上元人宏治丙辰進士。歷官南京刑部尚書見名山藏明詩綜小傳

明王紱萬里江山圖 一卷

〔本幅〕紙本。縱八寸三分。橫三丈二尺四寸六分。水墨畫高嶺長川。平林遠岸。無款鈐印二。
孟端遊戲翰墨。

〔後幅〕題跋

畫竹休將竹史看。王猷家自有江山。空庭莫訝千尋影。萬里烟波咫尺間。高下青山遠近村。清江處處繞柴門。鑑湖一曲消多少。須問

君山再乞恩。志同少宰。得九龍山水長卷。留
余家數月。不欲空返。為題四篆字。意猶未已。
復以二絕終之。正德四年秋八月戊寅。西涯
李東陽賓之識。鈐印二。賓之七十一峯深處。
人品還從畫裏傳。舊家元識九龍山。他年
曾著江行記。忽謾相看尺素間。處處清江曲
抱村。白雲碧石幾厓門。九峯指點青如許。偏
得天家雨露恩。常郡邵寶奉次。鈐印二。國賢。

將石亭印

細把平生履歷看。直從湘水到

吳山。風帆雨屐知無數。都在王郎尺素間。長
林疎影照江村。茅屋蕭蕭自掩門。莫笑白頭
無舊業。太平何地不君恩。次韻二首。後一首
予正德丙寅在陝西夢中得前二句。明年丁
卯謝病歸江南續成之。涯翁此詩韻偶相類。
不復別作。豈吾人同志。真有所謂神交者耶。
石淙楊一清。鈴印一。三南居士。

引首

萬里江山

書錄

無款鈐印一西田居士

鑒藏寶璽

五璽金

寶笈三編

收傳印記王藻儒收藏圖書閱曠齋珍賞記

霞城主人

謹案王紱字孟端號友石又號九龍山人無錫人攷見續編稿一清字應寧雲南安寧州人成化壬辰進士歷官華蓋殿大學士卒贈太保謚文襄有石涼槁明史有傳

明王紱送別圖 一軸

本幅紙本。縱三尺。橫一尺。水墨畫林壑蕭疎。烟波溶漾。茅齋中主賓飲餞。岸側維舟待發。自題客裏送君歸故鄉。江天秋色正茫茫。扁舟一箇輕如葉。半是詩囊半藥囊。九龍山人王孟端為彥如寫。并題無印記。同時諸人原題。汀洲杜蘅歇。南浦秋風生。美人鼓蘭楫。路指江南行。南行向何許。東望吳淞去。吳淞秋

水多綠遍芙蓉渚。渚外九龍山。山邊三泖灣。
人家臨水住。日暮采菱還。采菱歌易斷。送子
愁心遠。愁來可奈何。思滿秋江岸。秋江奚所
思。懷子情依依。鳳城春色早。原脫二字遲來歸李
至剛。無印記。碧水芙蓉兩岸開。長卿初自
日邊迴。故鄉耆舊遙相接。影向孤村寺裏來。
耐軒居士王達鈴印。一王達之印。官河水
落正秋霜。鴻雁南來熟稻梁。此日送君還舊

隱九峯佳處是鱸鄉。姚廣孝。鈴印一姚廣孝
印。我別松江幾度秋。渚花汀草不勝愁。華
船送子江南去。夢落滄浪舊釣舟。王汝玉。無
印記。秋霜忽已凝。客行歸故鄉。仰瞻鴻鴈
度。豈為謀拙果解縉。無印記。吳江渺無極。
蕭條十月初。片颿河上發。竟去不躊躇。由來
君命重。非為愛鱸魚。楊士奇。鈴印一太平山
中人。三江五湖口。此際水痕收。使節詢源

委。童時記釣遊。拒霜紅繞岸。擺桹綠連疇。畫
錦榮殊甚。歸承寵渥優。高得賜鈴印。一高孟
升印。

鑒藏寶璽

五璽全

寶笈三編

收傳印記珍賞補庵鑒藏

謹案彦如趙友同字友同浦江人官華訓
導李至剛名銅以字行洪武中舉明經歷官
禮部尚書高得賜字孟升錢塘人俱致見續
編解縉字大紳洪武戊辰進士歷官翰林學
士出為廣西叅議明史有傳

明王紱畫古木竹石

一軸

本幅紙本。縱一尺六寸一分。橫一尺。水墨畫
疎林蒼石。瘦竹清流。款九龍山人王紱戲作
於露禪庵。鈐印一。九龍山人書畫印。

鑒藏寶璽

五璽

寶笈三編

收傳印記口修。黃口美之。

[illegible]

明王絃畫古木竹石

一軸

本幅紙本。縱二尺一寸五分。橫九寸七分。墨畫古木竹石。自題。纔入西園滿眼青。葛衣紗帽稱閒行。苔侵翠壁應全徧。菓熟青林已暗生。流水斷隄心共遠。片雲孤鳥意俱輕。道人愛說山中事。為有歸田錄未成。永樂二年五月八日。九龍山中人王絃。鈐印六。友石生。王絃印。孟端破研齋。九龍山中道士。我師古人。

玉池

支遁初求道。深公笑買山。如何石嵒趣。自入
戶庭間。苔磧春泉滿。蘿軒夜月閒。能令許元
度。吟卧不知還。昌世鈴印一。文休

鑒藏寶璽

金五璽

寶笈三編

收傳印記休寧朱之赤珍藏圖書

明夏昺畫修筠拳石 一軸

本幅紙本。縱三尺七寸五分。橫一尺。墨畫竹石。款。天順三年。龍集己卯。孟春望後四日。東吳夏昺寫修筠拳石圖。鈐印一。孟暘軸內分鈐

高宗純皇帝寶璽。乾隆御覽之寶。乾隆鑒賞

璽藏寶璽

五璽

寶笈三編

收傳印記。退密。元汴。平生真賞。墨林秘玩。項

墨林甫秘笈之印。子京煮茶亭長。項叔子博雅堂珍藏印。墨林子京珍秘。項墨林鑒賞章。寄傲墨林嬾叟。項氏子京。項元汴印。子京甫印。虛朗齋。子孫世昌。項子京家珍藏。

謹案夏禹字孟暘太常卿禹之兄永樂乙未禹以進士簡入中書因言兄禹亦能書召試稱旨與禹同拜中書舍人時稱大小中書見甫田集

明夏杲湘江過雨圖 一卷

本幅紙本。縱一尺橫二丈七寸四分。墨畫竹石。款。湘江過雨。太常卿夏杲仲昭寫。鈐印一。仲昭。

後幅題跋

古人之以墨竹見稱者。自唐王摩詰王子正之後。在宋則有文與可。蘇子瞻。元則有柯敬仲。李息齋。顧正之。張敏夫。鎰廣之。宋好古。國

朝永樂間以寫竹見稱於縉紳間者則有中
書舍人晉陵王先生孟端焉先生之作直欲
軼古人而過之有得其所寫者若獲夜光拱
璧今太常卿吳郡夏公仲昭學於先生深造
其三昧且有出藍之譽尤所以為難得也中
外士大夫持縑素叩公之門求之者無虛日
得之則以為喜誠如少陵詩所謂王公貴人
得筆迹便覺屏幃生光輝者是矣茲偶觀公

所寫湘瀟

一字剝蝕

雨圖一卷。睹其烟梢雨葉。參

差掩冉。直榦橫枝。紛披錯縱。千態萬狀。端倪
莫測。而其疎密濃淡。重疊欹側。遠近高下。各
有意趣。而又汀洲映帶。水波滉漾。依稀風雨
之聲。蕭颼淅瀝。迴薄頃字有誤洞聽之無窮。溟
濛杳靄之景。覽之無際。恍若泊舟湘川之曲。
令人宦情鄉思之不可遏也。凡若此者。詎非
天機精到。得心應手。造化生於筆端。有莫知

其然而然者歟。雖然。世之植物夥矣。君子深
有取於竹焉。何也。豈非以其虚心勁節。不為
霜雪之所侵凌。貫四時而不改柯易葉也耶。
仲尼曰。歲寒然後知松柏之後凋也。竹亦松
柏之儔類。其為君子所取。不亦宜乎。以故見
詠於衛風之詩。而東坡蘇子亦曰。寧可食無
肉。不可居無竹。無肉令人瘦。無竹令人俗。人
瘦尚可肥。士俗不可醫。而晉之王子猷。尤所

酷愛凡其居止之處即令植竹曰何可一日

無此均

應作君

乎。以此君稱之其愛之也至矣。

是以不問主人遷造竹所雖被誚讓而不以
為怪。非所謂愛竹成癖者耶。若夫竹溪之六
逸竹林之七賢其中率多沉湎荒酣依阿養
望不循繩檢之士。不過假竹之清以適其疎
狂曠蕩之懷耳。其心未必有所取乎竹也。固
非禮法君子所宜尚也。竹而有知又豈以其

即此字點去

為悅也哉見

此字

斯又言外之

意併書以為之記時天順元年丁丑孟秋之

吉訥翁書於蒼雪軒鈐印三雪香亭奎壁圖

書自娛道人右墨竹卷夏太常寫贈琴川

陳翁羽伯余蓋得之羽伯之子惟孝今以奉

東江太史陸先生可謂清風來故人也羽伯

當時高士仲照

應作昭

執友博古精篆刻創製

銅樸印章吾行去後僅見其人己卯十二月

錢仁夫志無印

鑒藏寶璽

五璽

寶笈三編

謹案陳和伯名儀常熟人通家隸善鑑別子佑字惟孝家刻尤精見蘇州府志



明夏杲畫竹 一卷

本幅紙本。縱八寸三分。橫一丈八尺八寸。墨畫竹石。款太常卿夏杲筆。鈐印一。東吳夏杲仲昭書畫印。

後幅題跋

迴汀疊渚竹猗猗。暝色遙連望欲迷。記得維舟湘水暮。半江烟雨鷓鴣啼。此夏太常自題畫竹詩也。詩既清絕。圖中此君亦復蕭森。遂

錄其後以當合璧時方新秋。坐松院涼颼瑟
然。閱此畫。諷此詩。恍若九疑如黛隔湘川。憶
天寒翠袖。安得擊竹而歌。令玉釵中斷。甲午
六月廿二新秋日。王穉登鈐印二。王穉登印。
尊生。

鑒藏寶璽

五璽全。

寶笈三編

謹案夏景。字仲昭。崑山人。歷官太常寺卿。改
見續編。

明夏杲三祝圖 一軸

本幅紙本。縱三尺四寸九分。橫八寸四分。水墨畫拳石。雙鉤竹三竿。自題。三竹圖。東吳夏杲。鈐印二。夏杲仲昭印。乙未進士。

軸內分鈐

高宗純皇帝寶璽。乾隆御覽之寶。乾隆鑒賞。

鑒藏寶璽

五璽全

寶笈三編。

謹案杲先冒姓朱氏。後復姓。故永樂乙未題名錄作朱杲也。

明沈度書朱子年譜

四冊

本幅紙本。摺裝四冊。第一冊三十六幅。二冊三十六幅。三冊十八幅。四冊十幅。皆縱一尺一寸六分。橫一尺四寸二分。沈度楷書。

第一冊書朱子年譜並序。朱文公先生年譜序。天生斯民。必有出乎其類者。為之君師。以任先覺之責。然而非一人所能自為也。必並生錯出。交修互發。然後道章而化成。是故

有堯舜則有禹皋陶。有湯文則有伊尹萊

王業

懋竑本
作萊朱

太公望散宜生。各當其世。觀其會通。

以盡其所當為之分。然後天衷以位。人極以
立。萬世之標準以定。雖氣數詘信之不齊。而
天之愛人。閱千古如一日也。自比閭節授之。

法壞射欵

王本欵
作欵

讀法之禮無所行於

王本
作無

所於
行

君師之枋移於孔子。則又有冉閔顏曾

羣弟子左右羽翼之。微言大義。天開日揭。萬

物咸覩。自孔子沒。則諸子已有不能盡得其傳者。於是子思孟子又為之闡幽明微。著嫌辯似。而後孔氏之道。歷萬世而亡微。嗚呼。是不曰天之所命。而誰實為之。秦漢以來。諸儒生於籍。去書。焚師。異指。殊之後。不惟孔道晦蝕。孟氏之說。亦鮮知之。千數百年間。何可謂無人。則往往孤立寡傳。倡焉莫之和也。絕焉莫之續也。乃至國朝之盛。南自湖湘。北至河

洛西至闕輔。地之相去。何翅千百餘里。而大

單出

王本作大儒單出

聲應氣求。若合符節。曰極。曰

誠。曰仁。曰道。曰忠。曰恕。曰性命。曰氣質。曰天
理。曰人欲。曰陰陽鬼神。若此等類。凡皆聖門
講學之樞要。而千數百年。習浮踵陋。莫知其
說者。至是脫然如沉疴之間。大寐之醒。至於
呂謝游楊尹張侯胡諸儒。切磋究之。分別白
之。亦幾無餘蘊矣。然而絕之久而復之難。傳

者寡而咻者衆也。朱文公先生始以彊志博見凌高厲空自受學。延平李子退然如將弗勝。於是歛華就實。反博歸約。迨其蓄久而思渾。資深而行熟。則貫精粗。合外內。羣獻之精蘊。百家之異指。毫分縷析。如視諸掌。張宣公呂成公同心協力。以閑先聖之道。而僅及中身。論述靡竟。惟先生巍然獨存。中更學禁。自信益篤。蓋自易詩中庸大學論語孟子。悉為

之推明演繹。以至三禮孝經。下迨屈韓之文。周程邵張之書。司馬氏之史。先正之言行。亦各為之論著。然後帝王經世之規。聖賢新民之學。粲然中興。學者習其讀。惟其義。則知三才一本。道器一致。幽探乎無極太極之妙。而實不離乎匹夫匹婦之所知。大至於位天地育萬物。而實不外乎暗室屋漏之無愧。蓋至近而遠。至顯而微。非若棄倫絕學者之慕乎。

高。而譁世取寵者之安於卑也。猗歟盛哉。吾友李公晦方子。嘗輯先生之言行。今高安洪史君友成為之鋟木。以壽其傳。高安之弟天成。屬予識其卷首。嗚呼。帝王不作。而洙泗之教興。微孟子。吾不知大道之與異端。果孰為勝負也。聖賢既熄。而關洛之學興。微朱子。亦未知聖傳之與俗學。果孰為顯晦也。韓子王本作韓子謂孟子之功。不在禹下。予謂朱子之功。不

在孟子下。予生也後，雖不及事先生，而與公
晦及輔漢卿廣昔者嘗共學焉，故不敢以固
陋辭。後學臨邛魏了翁序。紫陽朱文公先

生年譜卷之一。宋高宗建炎四年庚戌九

月甲寅朱子生。

朱子本歙州人。世居婺源之
永平鄉松巖里。宣和末，殿考

吏部韋齋先生松為政和尉，遭父承事府君
喪，以方臘亂，時不能歸，遂葬其親於其邑護
國寺之側也。身嘗僑寓建州及劍州上處。紹
興元年辛亥，紹興二年壬子，紹興三年癸丑，

是歲館於尤溪之鄭氏已而朱子遂生焉。紹

按行狀云先生能言韋齊指天示之曰天紹也天之上何物而問問二字無而韋齊異之

興四年甲寅始入小學韋齊與祖祖字無內弟程復亨書云媳婦

生男名五二今五歲上學矣按朱子小名沈郎小字季延此云五二以行稱紹興

五年乙卯紹興六年丙辰紹興七年丁巳通

經大義書其上曰若不如此便不成人間紹從羣兒遊嬉獨以沙列八卦端坐默視之

興八年戊午紹興九年己未者自知力學聞長者言輒不忘按

語錄云十數歲時讀孟子至聖人與我紹興同類者喜不可言以為聖人亦易做

十年庚申受學於家庭時韋齊為吏部郎以不附和議出知饒州

諸祠居於家。初韋齋師羅豫章與李延平為同門友。聞楊龜山所傳河洛之書。註本無學。獨得古先聖賢不傳之遺意。於是益自刻厲。痛刮浮華以趨本趣。林野以日誦大學中庸之書。以用力於致知誠意之地。自謂性急。紹客道。因取古人佩韋之意。名其齋以自警。紹

興十一年辛酉。紹興十二年壬戌。紹興十三

年癸亥。三月丁父韋齋先生憂。初稟學於胡

籍溪劉草堂劉屏山三君子之門。

韋齋卒於建之水南。

享年四十七。當疾革時。手自為書。以家事屬少傅劉公子羽。而訣於籍溪胡憲。原仲。白水劉勉之。致中。屏山劉子翬。彥仲。註本仲且顧諱朱子曰。此三人者。吾友也。其學皆有淵源。

吾所敬畏。吾即元汝往父事之。而惟其言之聽。韋齋沒。少傳為築室於其里第之傍。朱子遂奉母夫人遷而居焉。乃遵遺訓。秉學於三君子之門。三君子撫教如子姪。白水劉公因以女妻之。二劉尋下世。獨事籍溪最久。按朱子所作草堂墓表。與籍溪行狀俱稱二公受學。佑陵類天授。盡聞伊洛之學。其淵源大畧本此。至於師門植焉。則屏山為最。其作屏山墓表有云。先生病時。熹以童子侍疾。一日請問。平昔入道次第。先生欣然告曰。吾於易得入德之門焉。所謂不遠復者。乃吾之三字符也。汝尚勉之。又有命字祝詞有云。木晦於根。春榮煜數。人晦於身。神明內腴。又云。子德不日新。則時與王本與子本與之恥言而思。慙。勤而思。躓。慙乎惴惴。惟顏曾是畏。其期望之意如此。朱子晚歲猶書門符曰。佩韋遵考訓。晦木謹

師傳。蓋紹興十四年甲子。葬韋齋先生。墓在崇安

之西塔山。紹興十五年乙丑。按語錄云。嘉年十五六時。見呂

與叔。雖愚必明。雖柔必強。一段。解之。紹興十

六年丙寅。按語錄云。嘉年十六七時。吃了多少辛苦讀書紹興十七

年丁卯。秋舉建州鄉貢。考官蔡茲謂人曰。吾取中一復生。三篇策

皆欲為朝廷措置大。紹興十八年戊辰。春登

王佐榜進士。中第五甲第九十人。准教賜同進士出身紹興十九

年己巳。按語錄云。從十七八歲讀孟子。至二十歲只逐句理會。更不通透。二十歲

後方知只恁地熟讀。自見得意思。又云。自十五六至二十歲。史書都不要看。但覺得沒要緊。不難理會。又云。二十歲前得上卷語錄觀之。初用朱筆畫出合處。再觀用粉筆三觀。用墨筆數過之後。全與元看時不同矣。又云。二十歲前已看得書大意如此。又跋曾南豐帖云。嘉年二十許時。便喜讀紹興二十年庚午。南豐先生之文。竊慕效之。

春如婺源展墓

時鄉會酒酣。坐客以次歌誦。朱子獨歌離騷經一章。音吐

洪暢。坐客竦然。有帖與內弟程洵論詩。且曰。學者所急亦不在此。學者之要務。反求諸己而已。語孟二書。宜加精熟。求見聖賢用意。佩服而力持之可也。按虞學士集作復田記畧云。韋齋之仕於閩。嘗質其先田百畝。以為資。同邑張敦頤教授於劍。請為贖之。韋齋歿。敦

頭以書慰朱子於喪次而歸田焉。至是朱子省墓於婺源。遂以其租入充其祭掃之費用。而已。紹興二十一年辛未。春。鈴試中等。授左迪

功郎。泉州同安縣主簿。紹興二十二年壬申。

紹興二十三年癸酉。夏。始受學於延平李先生。

生之門。

初龜山先生倡道東南。從遊甚衆。語其潛思力行。任重詣極者。羅公仲素

一人而已。李先生愿中受學羅公。實得其傳。同門皆以爲不及。然樂道不仕。人罕知之。沙縣鄭迪。天啟嘗曰。愿中如水壺秋月。瑩徹無瑕。韋齋深以爲知言。朱子少耳熟焉。至是將赴同安。持往見之。朱子嘗言始見李先生。告之學禪。李先生但曰不是。再三質問。則曰且

有聖賢言語。熹遂將所謂禪權倚闕。起取聖賢書讀之。請來讀去。日復一日。覺得聖賢言語。漸漸有味。却回看釋氏之說。漸漸破綻。罅漏百出。又言初見李先生說得無限道理。李先生曰。公恁地懸空理會得許多道理。而面前事却理會不下。道亦無他元妙。只在日用間著實做工夫處。便自見得。熹後來方曉得他說。故今日不至於無理會耳。又云。李先生令去聖經中求義理。熹後刻意經學。推見實理。始信前日諸人之誤。又延平與其友羅博文宗禮書曰。元晦進學甚力。樂善畏義。吾黨鮮有。又云。此人極領悟力。行可畏。講學極造其微處。渠所論難處。皆是操戈入室。又云。此子別無他事。一味潛心於此。初講學時。頗為道理所縛。今漸能融釋於日用處。一意下工夫。若如此漸熟。則體用合矣。

秋七月

至同安。

蒞職勤敏。纖悉必親。郡縣長吏。事倚以決。苟利於民。雖勞無憚。解有燕生。

之室。吏名曰高士軒。而以今甲凡簿所當為者。大書揭之楬間。又職兼學事。乃選邑之秀民。充子弟員身。加督厲并數。為以諭之。任其始。勸有柯君翰者。家居教授。常有百餘人。行峻。不為苟合。遂請為學職。衆益有所嚴。憚不敢為非。先生又以為區區防之於法制之末。而禮義不足以悅其心。則亦無以使之知所趣。而興於行。乃增修講問之法。使職事諸生相與漸摩。禮義有以博其內。規矩有以約其外。學者翕然從之。以至學殿。講坐齊舍。悉加整葺。云是歲紹興二十四年甲戌。是歲仲紹長子塾始生。

興二十五年乙亥。建經史閣。

諸於帥府。盡模府中所有書歸。

置閣中。又料簡故匱治平中所藏書。得尚可
讀者二百餘卷。悉上於閣。學者得以覽觀焉。
初縣學。釋奠舊例。止以人更行事。朱子至求
政。扣五禮新儀印本于縣。無之。乃取用禮儀
禮唐開元禮。紹興祀令更相參考。畫成禮圖。
訓釋辨明。纖悉備舉。執事學生得之以日夕
觀覽。臨立故相蘇公祠於學宮。公名頌。同安人。相元祐間。

學術風節為世所稱。紹興二十六年丙子七月。秩滿冬

奉檄走旁郡。時代者不至。因送老幼以歸。按語錄云同安簿滿到泉州候批。

書客郎因借得孟子一冊。仔細讀方尋得其本意。紹興二十七年丁

丑春。還同安。候代不至。罷歸。館於陳北溪畏壘庵者數月。命

有友生之嗜學者與居作畏壘庵記冬十月
代者卒不至以四考滿罷歸其去也士思其
教民懷其惠相與立祠於學焉紹興二十八年戊寅以養親

請祠十二月差監潭州南嶽廟紹興二十九

年己卯

作謝上蔡語錄後序

八月召赴行在辭

用執政陳俊卿

薦也朱子方控辭會言略有託抑奔競以阻
之者以故不就是歲籍溪胡公由司直改正
字將就職朱子送行有詩曰執我仇仇詎我
知謾將行止驗天機猿驚鶴怨潭閣事只恐
先生袖手歸其後又寄詩曰先生去上芸香
閣閣老新裁多角冠留取幽人卧空谷一川
風月要人看甕牖前頭翠作屏晚來相對靜
儀刑浮雲一任閑舒卷萬古青山只處青五

峯胡氏曰。此詩有體而無用。因磨之曰。幽人偏愛青山好。為是青山青不老。山中雲出雨

太虛一洗塵埃山更好。紹興三十年庚辰冬再

見李先生於延平。

退寓舍旁西林院。閱月而後去。

紹興三十

一年辛巳。貽書黃樞密論恢復。紹興三十二

年壬午春迎謁李先生於建安。遂與俱歸。

寓復

西林者數月。汪端明應辰嘗稱朱子師事延平。久益不懈。每一去而復來。則所聞必益超

絕。八月應召上封事。是月復於祠。

是歲五月祠秩滿。復

以為請。會孝宗即位。詔求直言。遂上封事。畧曰。帝王之學。必格物致知。以極夫事物之變。

使夫事物之過乎前者。義理所存。纖微畢照。則自然愈誠心正。而所以應天下之務者。得矣。至於記誦華藻。非所以探淵源而出治道。虛無寂滅。非所以貫本末而立大中也。又曰。今日之計。要在修政事。攘夷狄而已。然其計所以不時定者。講扣之說疑之也。又曰。陛下前日所號召者。皆天下所謂忠臣賢士也。誠與之共圖天下之事。使疎而賢者雖遠不遺。親而否者雖逼必棄。毋主先入以致偏聽。獨任之機。毋篤私恩以犯示人不廣之戒。進退取舍。惟公論是從。則朝廷正而內外遠。近莫不一於正矣。不報。作論語纂訓序。孝宗隆興元年癸未三月再召辭。有旨趣行。十月至行在。辛巳入對垂拱殿。

其畧曰。大學之道本於格物。格物者。

窮理之謂也。必因物求理。使瞭然無毫髮之差。則應事自無毫髮之謬。是以意識心正而身修。家齊國治而天下平。勸講之臣。所以聞於陛下者。不過記誦詞章之習。而陛下又不過求之老子釋氏之書。是以雖有生知之性。高世之行。而未嘗隨事以觀理。即理以應事。舉措之間。動涉疑貳。聽納之際。未免蔽欺。由不講乎大學之道。而弱心於淺近。虛無之過也。上為之動容。次論今之論國計者三。曰戰。曰守。曰和。國家之與北虜。其不可與共戴天。明矣。今日所當為者。非戰。無以復讐。非守。無以制勝。此皆天理之自然。非人慾之私忿也。三論先王制御夷狄之道。其本不在威強。而在乎德業。其備不在邊境。而在乎朝廷。其具不在兵食。而在乎紀綱。願聞納諫諍。黜遠邪佞。杜塞倖門。安固邦本。四者為急先之務。庶

幾形勢自強而恢復可冀矣時朝廷遣王之望使虜約和未還。宰臣湯思退等皆主和議而近習曾覿龍大淵招權故奏及之三劄所陳不出封事之意而加剴切焉先是朱子將起召命問李先生所宜言李先生以為今日三綱不立義利不分故中國之道衰而夷狄威人皆趨利而不顧義而不以主勢孤朱子首用其說以對按朱子與魏元履帖云初讀第一奏論致知格物之道天顏溫粹酌酢如嚮次讀第二奏論復讐之義第三奏論言路壅塞按幸無鰓張則不復聞于王字聖語矣

十一月除武學博士

拜命遂歸論替成資闕也按是歲有答陳漕書論鹽法及與汪尚書書論迤山語

錄是歲論語要義論語訓蒙口義成既序次論語要

義。又以其訓詁畧而義理詳。殆非起蒙之要。因而刪錄。以成其書。其字無此編耳。歸劉

氏田。

按乾道中田募跋云。初屏山與朱子講習武夷。去家頗遠。特於中途建歇馬庄。

買田二百餘畝。

以供諸費。實與朱子共之。屏山既沒。忠定作王公拱盡以畀朱。王以畀

殊資其養母。

後朱子同安秋滿歸。以田還屏山子珏。珏不受。謀於忠定。轉畀于南峯寺。至今猶存焉。

隆興二年甲申正月之延平。哭李先生。

比葬。

又。是歲因學恐聞成。

朱子嘗以困學名其燕坐之室。因目

往會。

其雜記之編曰。因孝宗乾道元年乙酉四月。

學恐聞。

至是書成。

請祠五月。復差監南嶽廟。

先是省劉超就職既至而執政錢端

禮等復主和議。不合諸祠以歸。是歲讀魏元
履所作戊午議。為之流涕。因序之畧曰。戊
午之議。發言盈庭。其曰虜世誓不可和者。尚
書張公。闡左史胡公。銓而止耳。自餘亦有謂
不可和者。而其說不出於利害之間。又其餘
則忘事於其時。昔之言。厥或告之。則曰處士
之大言耳。乾道二年丙戌。乾道三年丁亥。八月訪

南軒張公敬夫於潭州。

按朱子與曹晉云。枉
執事與曹晉此月八日

抵長沙。今半月矣。荷敬夫愛予甚篤。相講明
與王本相其所未聞。日有聞學之益。敬夫學
問愈高。所見卓然。議論出人意外。近讀其語
說。不覺胸中灑然。誠可歎服。是時范念德侍
行。常言二先生論中庸之義。三日夜而不能
合。留長沙再閱月。與南軒偕登衡嶽。至衡州

而別。有南嶽倡醇集南軒贈詩云遺經得細
鐸。心事兩綢繆。超然會太極眼底無金牛。朱
子答詩曰昔我抱冰炭從君識乾坤始知太
極蘊要妙難名論謂有寧有跡謂無復何存
惟茲酌酢處特達見本根萬化從此流千里
同茲源曠然遠莫禦惕若初不煩是行道經
昭武達謁黃中端明于其家端明端莊靜
重德容粹然朱子請納再拜之禮而見之十

二月至自長沙。與東軒別後遂偕范伯崇林
擇之東歸擬拾道中所作詩

得二百餘篇除樞密院編修用執政陳俊乾
名東歸亂稿柳劉珙薦也乾

道四年戊子四月崇安饑貸粟於府以賑之

時盜發浦城崇安人情大震乃請貸於府得
粟八百斛藉戶口散給之民以不饑是冬有



年。民願輦粟還官。知府事王淮俾留里中。而上其籍於官。社會之法者始此也。程氏

遺書成。

初二程門人各有錄。雖出并行。間顧為後人竄易。至是序次有倫。去取

精審學者始有定從。而程子之道復明於世。耶王本無

七月奉府檄行

視水災。省劄屢趣就職。固辭。

時國子學錄魏拔之以論曹觀

去國遂力辭

乾道五年己丑。

是歲子在生。作太極通書後序。九月

戊午丁母孺人祝氏憂。

八月省劄復趣行。會丁祝孺人憂。孺人歎

處士確之女。後贈碩人封寧國夫人。

乾道六年庚寅正月葬祝

孺人。

墓在建陽縣崇泰里後山天湖之陽。名曰寒泉塢。自作壙記。

家禮成。

朱子居喪盡禮。既葬日居墓側。朔望則歸奠
几筵。自元始至祥禫。朱酌古今。咸盡其變。因
或喪祭禮。又推於冠婚共一編。曰七月遷章

齋先生墓。

按遷墓記云。乾道六年七月遷於
里之白水橋子峯下。及考行狀。又

云某年某月。遷於寂厯山。即今
墓是也。豈韋齋之墓嘗再遷與。十二月名赴

行在。以喪制未終辭。

侍郎胡銓以詩人
薦。與王良佐同名。乾道

七年辛卯。剏立社倉於所居之里。

朱子所居
之鄉曰五

夫。每歲春夏之交。豪戶閉糶。俾利細民。發廩
強奪。動相賊殺。易至挺變。遂因前所貸郡米。
剏立倉舍一區。以備出貸。每石量收息米二
斗。逐年依此飲散。或遇小歉。即蠲其息之半。

大機即盡竭之。故一卿四五
十里之間。雖山年不缺食矣。乾道八年壬辰。

論孟精義成。是書初名要義。後改今名。序畧曰。論語之書無所不包。而所以

示人者。莫非操存涵養之要。七篇無所不究。而所以示人者。頗多體驗充廣之端。云其後

又改名。集義。四月有旨疾速起發。再辭。以錄不及

是歲資治通鑑綱目成。初司馬公作通鑑。朱子因取其書。刻為義

例。最歲以首年。因年以著統。大書為綱。分註為目。蓋徵春秋左氏為此書。八朝名

臣言行錄成。西銘解義成。自二程推西銘為擴前聖所未發。遊

其門者。必令看大學西銘。而朱有發明其義也。朱子首為之解。乾道九年癸

已省劄再趣行。又辭。就乞差監獄廟。太極圖

傳通書解成

其序畧曰。周子之學。其妙具於太極一圖。通書之言。皆發此圖

之蘊。而程子兄弟語極性命之際。亦未嘗不用其說。然周子既手以授二程。而程本因附書後。傳者見其如此。遂誤以圖為書之卒章。不復釐正。使立象盡意之微旨暗而不明。而張讀通書者。亦不復知有所五月有旨特與統攝矣。作尹和靖言行錄序。

改扶宮觀辭

朱子既累辭召命。宰相梁克家因奏朱熹召不起。宜蒙褒錄。上

曰。朱熹安貧守道。庶幾可嘉。特與改程氏外

書成

既編遺書。復取諸某錄。參互相除。得十有二篇。名曰外書。而二程子之言備矣。

作中和集
解序之
淳熙元年甲午六月始拜改秩之

命省劉凡三下。趙依已降指揮朱子以為改官賦祿。蓋朝廷進賢賞功優老報効之典。

乃使小臣終年安坐。一日無故而驟得之求。退得進。義所不安。故三具辭免。避避逾年。上

意逾堅。至是始拜命。淳熙二年乙未五月東萊呂公伯

恭來訪。近思錄成呂公自東陽來訪。留寒泉精舍者旬日。相與擬同子

程子張子書。闕大體而切日用者。彙次成十四篇。號近思錄。朱子嘗語學而入者曰。四子

六經之階梯。近思錄四子之階梯。蓋言為學當自此而入也。偕東萊及梭

山陸公子壽象山陸公子靜會於鵝湖東萊朱

子送至信州。至鵝湖寺。江西陸九齡子壽弟
淵子靜。及靖江劉清之子澄。皆來會。相與議
其所聞。子壽詩云。提孩知愛長知飲。古聖相
傳只此心。大抵有基方築室。未聞無址忽成
岑。留情傳注翻榛塞。著意精微轉陸沉。珍重
友朋勸誨切。須知至樂在如今。子靜和云。墟
墓興哀宗廟欽。斯人千古不磨心。涓流積至
滄浪水。拳石崇成泰華岑。易簡工夫終久大。
支離事業竟浮沉。欲知自下升高處。真偽先
須辨古今。朱子和云。德業風流夙所欽。別離
三載更關心。偶扶藜杖出寒谷。又枉籃輿度
遠岑。舊學商量加邃密。新知培養轉深沉。却
愁說到無言處。不信人間有古今。七月作晦
既面。諸公各持所見。不合而罷。

庵

庵在蘆峯之
雲谷。自為記。

淳熙三年丙申二月如婺源。

蔡元定從。既至。邑宰張漢率諸生請講書於學。辭。復請撰書。聞王本撰記許之。而以程

氏遺書。外書。文集。經說。司馬氏書儀。高氏送

終禮。呂氏鄉約。鄉儀。等書。留學中。日與鄉人

子弟講學於汪氏之敬齋。隨其資稟。王本厚

誨。誘不倦。又作茶院。朱氏之王本無譜序。至

乃復歸於閩。六月除秘書省秘書郎。辭。上

論大臣欲獎用廉退之士。參政龔茂良以朱

子操行耿介。屢召不起。為言。遂有此除。朱子

以政官之命。正以嘉其廉退之節。今乃冒進

擢之寵。是左右望而罔市利。乃辭。七月答汪

尚書書云。素拙介之性。矯揉萬方。而終不能

回。迂疎之學。用力既深。而自信愈篤。以此自

知。決不能與時俯仰。以就功名。故二十年來

甘自遜藏。以求已志。所願欲者。不過終身守

道。以終餘年。因其暇日。誦誦遺經。參考舊聞。以求聖賢立言本意之所在。既以自樂。問亦筆之於書。以與學者共之。且以待後世之君子而已。此外實無毫髮餘念者也。八月

再辭。許之。遂復與祠。

會有言虛名之士不可用者。遂再辭。仍差主管。

武夷山。十一月令人劉氏卒。

次年二月。葬於建陽縣之唐石。

大林谷。名其亭曰宰如。而規壽藏於其側。名其庵曰順寧。

淳熙四年丁酉。

六月論孟集註或問成。

朱子既編次論孟集義。又作訓蒙口義。既

而約其精粹。妙得本旨者。為集註。又疏其所以去取之意。為或問。然恐學者轉而趨薄。故或問之書。未嘗出以示人。其後集註刪改日益精密。而或問則不復于王本無釐正者矣。

十月周易本義詩傳成

詩自毛鄭以來皆以小序為主其經與文

叶庚則穿鑿為說以通之朱子獨以經文為主而訂其序之是非復為一編附真經後以還其舊又答東萊論易書云讀易之法竊疑卦爻之辭本為卜筮者斷吉凶而因以訓戒而至彖象文言之作始因其言凶訓戒之意而推說其義理以明之後人但見孔子所說之義理而不復推本文王周公之本意因鄙卜筮為不足言而其所以言易者遂遠於日用之實類皆牽合委曲偏主一事無復包含諷賁曲暢旁通之妙若但如此則聖人當時自可別作一書明言義理以詔後世何用假托卦象為此艱深隱晦之辭乎淳熙五

年戊戌八月差知南康軍辭不允仍令疾速

之任

宰相史浩必以王是差權發遣南康軍

事兼管內勸淳熙六年己亥正月再請祠不

報候命於鉛山

東萊屢書勉行南軒亦謂須一出為善雖出處去就素有

定論然更須斟酌消息勿至已甚苟一向固拒則上之人謂賢者不肯為用於大體却有害也至是再請祠不報朱子始有出意正月行至信州鉛山候命寓崇壽僧舍陸梭山來訪三月省劄再趣行是月晦赴上

到郡首下教三條其

一延訪利病其二令老父教訓子孫和睦鄉里及下愚不移之人亦令父兄訓戒子弟其三勸民遣子弟入學每五日一詣學宮為諸生講說聲聲不倦郡之有賢德者禮之以為

學職士風翕然丕變矣

立三先祠及五賢堂

先是移文教授司戶

以為蒙恩假守界付民社固將使之宣明教化篤厲風俗非徒責以簿書期會之數而已乃立濂溪周先生祠於學宮以二程先生祀其陶靖節劉西澗父子李公擇陳了齋則別為堂祀之

六月奏乞蠲減星子縣稅錢

事下戶部

司責以對稱會有言庶僚不當用劉子奏事者因引以自勅

十月重建白

鹿洞書院

時白鹿洞書院故址榛廢已久朱子詢得之乃令星子令復建書院

於其地且言於執政得賜教額及賜御書石經監本九經又捐俸買書以益之并置田以贍學者數月告成率郡僚屬過客學徒釋菜於先聖先師以落之每暇輒一至諸生徒而質

疑問難。因約聖賢教人為學之大端。以示學者。尤致意於明誠敬義數語。又與時宰書乞復洞主廢官。使得備員與學徒講道。淳熙七其間。假之稍康。畧如祠官之入不報。

年庚子正月請祠不報。二月張南軒訃至。罷

宴哭之。時南軒卒於江陵府治。朱子為文祭之。畧曰。蓋有我之所是。而兄以為非。

亦有兄之所然。而我之所議。又有始所共向。而終悟其偏。亦有早所共濟。而晚得其味。蓋纖紆往返者幾十有餘年。未乃同歸而一致。南軒常言。學莫先於義利之辨。而義也者。本心之所當為。而不能自己。非有所為而為之者也。一有所為。則皆人欲。而非天理矣。朱子以為擴前聖之所未發。三月復請祠不允。四與性善養氣之論同功。

月申減屬縣科紐木炭錢歲二千緡應詔上

封事

時詔監司郡守條具民間利病遂上疏言天下之大務莫大於恤民恤民之本

又在人君正心術以立紀綱今日民貧賦重若不討理軍實去其浮冗則民決不可寬本

役凡流到軍之日惟望哀歛剋剝以償債負總餽餉之任者亦皆倚負幽陰交通貨賂其所驅催東南數十州之脂膏骨髓名為供軍而輦載以輸權倖之門者不可以數計是以生民日益困苦無復聊賴今欲討軍實以紓民力則必盡反前之所為然後乃可冀也所謂其本在於正心術立紀綱者蓋君心不能

以自正必親賢臣遠小人講明義理之歸閉塞私邪之路然後乃可得而正今宰相臺省

師傳賓左。諱之臣。皆失其職。而陛下所與
親。廣謀議者。不過一二近習之臣。此一二小
人者。上則盡威。陛下之心志。下則招集天下
士大夫之有權利無恥者。盡入其門。所喜則陰
為引援。擇其清顯。所惡則密行營毀。公肆擠
排。所益者皆陛下之財。所竊者皆陛下之柄。
陛下所謂宰相。即傳賓左。諱之臣。或反出
入其門。播承望其風旨。勢成威立。中外靡然
向之。使陛下之統。今無所不復。出於朝廷。而
出於此。一二人之門。蓋非獨壞陛下之紀綱。
乃與陛下所以立紀綱者而壞之。則民又安
可得而恤。財又安可得而理。軍政何自而修。
土宇何自而復。宗廟之誓祀。又何以策布而
可。當帶親入。上積之大怒。命其分析。宰相趙
雄說。解致。大修荒政。時值大旱。至秋。約苗夫
解乃已。

大修荒政

時值大旱。至秋。約苗夫
解乃已。

置。為救荒備。會招江東紳守恤民隱。決滯獄。以銷旱災。且頒勅分賞格。因即二事推廣為奏。乞降特旨。減前所申呈子粒稅。及三年放文已蠲官租。禁州郡勿得催理。若因繁淹延。則特詔太監一員。專督理官嚴立程限。并日結絕乃可。因以賞格給富室。得米二萬石。使播種以特。復奏請截留銅運。乞轉運常平兩司錢米充軍糧。備賑濟。即濱大江。舟楫岸有過大風。板淹溺。至是募民築堤捍舟。冀稍振業饑者。舟惠無息。預戒三縣每邑市鄉村四十里。則置一塲。以待賑糶。合為三十五塲。其關食甚者。再加蠲給。比冬遂以旱傷分數告於朝。乞蠲開稅。租本軍苗米四萬六千五百餘石。檢放三萬七千四百餘石。奉旨三等以下人戶。夏稅畸零。並與衙門。故數既寬於民。以故無流徙也。

十一月作卧

龍庵

祀諸葛武侯。庵在廬山之陽五老峯下。併初龍潭起亭為民禱賽之。皆捐俸為

之。而屬西源隱者崔嘉秀董其役。官民咸無預焉。

淳熙八年辛丑正

月開場濟糶

初既分場。選見任寄居指使添差監押酒稅監廟等大小使臣

三十五員。各蒞一場。以轄糶事而分委。縣官巡察之。以戢減克乞免之弊。至是人戶悉令赴場就糶。課寡孤獨之人。則用常平米依令賑濟。又慮農事將起。民間乏錢。凡合糶者皆濟半月。鄰里無未。自即運而往。千里之內莫不周浹。凡三月結局。所活饑民老幼二十一萬七千餘口。其施設次第。人爭傳錄。以為法。孝宗臨御日久。垂意恤民。凡所奏請。無不報可。以致得行其志。民無流離捐瘠之患。

二月陸象山來訪

象山請書

其兄教授墓誌銘。朱子率僚友諸生俱至白鹿洞書院。請升講席。象山以君子小人喻義利。章發論。大畧謂科舉之士。日從事聖賢之書。而志之所向。專在乎利。必於利欲之習。但然為之痛心疾首。專志于義。而日勉焉博學審問慎思明辨而篤行之。斯謂之君子。朱子以為切中學者。隱微深細之病。諸書於簡以總同志。三月差提舉江西

常平茶鹽待次

初到南康。有任滿奏事之旨。將滿。廟堂議遣使蜀。上意不

欲其速去。遂有此命。然猶待次。因奏本職四事。一請勿拘對補之說。特旨蠲減星子縣稅。二請照實格補授諸出粟人。使民間早獲為善之利。三請凡被災之郡。盡今年毋得理積年舊欠。而去年倚閣夏稅。悉與蠲放。上二等戶。亦有由粟減價賑糶。而不及實格者。亦許

其請。多作料。數帶補去。年夏稅殘欠。如此則
無一夫一婦。不被免。齊之澤矣。其四則中請
白鹿洞。賜額。及監閔三月去郡東歸。朱子治
本九經。多見施行。

如傷至。姦豪侵暴。細民挽法。害政者。亦必絕
魁。王本作不少。資。尤以厚人倫。美教化。為急務。
風俗丕變。文學行義之士。彬彬出焉。四月過
九江。拜涑溪先生書堂遺像。劉子澄來謁。請
為諸生說太極圖義。遂七月除直秘閣。辭以
以是月十九日至家。

政修備。民無流殍。故有此除。朱子以前
所勸出粟人。未推恩。不拜復辭。不允。呂東

萊訃至。為位哭之。呂氏定周易為十二篇。以

從之。又謂大事記一書。自成一書。一家之言。有補
學者。又與呂公帖云。昨叩比日。講授次第。聞

只令諸生讀左氏及諸賢奏疏。至於諸經論孟。則恐學者徒務空言而不以告也。此恐未安。蓋為學之序。為己而復可以及人。達理而復可以制事。故程子教人。先讀論孟。次及諸經。然後看史。其序不可亂也。若恐其徒務空言。但當就論孟經書中教以躬行之意。庶不相違。至於左氏奏疏之言。則皆時事利害而非學者切身之急務也。其為空言亦甚矣。而使之從事其間。而得躬行之實。不亦背馳之甚乎。其切磨之意如此也。八月差

提舉浙東常平茶鹽

時浙東為饑。上軫宸慮。遣拜命不收解。即日單

車上進。辭前所授職名。仍乞奏事。十月十一日。單

坐牀帳而康出。衆人已推恩。乃受職名。十一月己亥。奏事延和殿。見上。極陳災異之由。與

夫修德任人之說。上為勸容。殊聽。十二月視

事於西興。初授命。即印榜招海南。販廣米至

則依價出糶。更不裁減。至是海商舟米以輕

纖悉。晝夜不倦。至廢寢食。分晝既定。則親出

按歷。始於會稽。諸縣次及七郡。窮山長谷。靡

不到。將問存恤。不遺餘力。然每出。皆乘輕車。

屏徒御。一身所需。皆自齎以行。秋毫不及州

縣。以故所歷雖廣。而却內不知。官吏彈其風

采。夙夜戒飭。常若使者鑒其境。至有自引去

者。娶有朱縣尉。不伏販糶。及紹興屬吏賈祐

之等。不恤荒政。皆按勅其罪。大抵措置盡賴南

康時。而用心尤苦。所活不可勝計。有短先生

者。謂其疎於為政。上謂宰相王淮曰。朱熹政

事。却有可觀者。淳熙九年壬寅正月條奏救荒事宜。

并乞借撥官倉給降度牒。推賞獻助。人又請將山陰等縣下戶夏稅秋苗丁錢。并行住催之。

有詔捕蝗復上疏言事

畧云。為今之計。獨有斷自聖心。沛然

發號。責新求言。然後君臣相戒。痛自省改。其次惟有盡出庫內之錢。以供大禮之費。為收糶之本。詔戶部無得催理舊欠。諸路漕臣遵依條限。檢收稅租。軍臣沙汰殺史。路分州軍監司守臣之無狀者。遴選賢能。責以荒政。庶幾猶足以下結人心。消其乘時作亂之意。不然。臣恐所憂者不止於餓殍。而在於盜賊。蒙其害者不止於官吏。而上及於國家也。復上時軍書畧云。朝廷愛民之心。不如惜費之甚。是以不肯為極力愛民之事。明公憂國之念。

不如愛身之切。是以但務為阿諛順旨之計。然民之與財。孰輕孰重。身之與國。孰大孰小。財散猶可聚。民心一失。則不可復正。至於民散國危。而措身無所。則其所憂。有不如為大盜積之者耶。詔行社倉法於諸

郡。

初條陳荒政。請推行崇安社倉法於天下。至是請首頒行之。台蔡有應時為之者矣。

條奏諸州利病。

首言紹興和買之弊。歛乞痛減歲額。然後用實頭科紐。仍

用高下等第均數。而免下戶出錢。使得相乘。除以優之。及言台州丁絹錢。有押納陪輸之患。奏乞每丁納半錢半絹。其諸郡義役之法。請令民均出義田。罷去役首。免排役次。官差保正副長輪收義田。仍令上戶兼充戶長。沿海四州鹽法。乞做福建下四州產鹽法行之。

諸郎酒坊亦乞改照處州萬戶酒法。裁荒之
餘若凡可以便民者莫不規為經久之計而

已。勅奏前知台州唐仲友不法。

七月行部。將由台趨溫。既

入台境。民有訴太守新授除江西提刑唐仲
友不法者。及趨台城則訴者益衆。因盡得其
促限催稅。違法擾民。貪汙法處。當亡命偷盜
官錢。偽造官會等事。具劾之。仍送紹興鞠實。
王淮以姻舊匿不為奏。仲友亦自辯。且乞送
浙西無殿官體完已而紹興獄具。按章至十
上宰相不得已。取首章結末甚深者。及仲友
名任本名辨疏同上。由說開陳於他無矯削。
止罷江。西新任台州久早。雨
道大注。是歲穀乃重熟也。

毀秦檜祠。

永嘉

秦檜之祠。八月除直徽猷閣。辭。

獎既濟之勞也。未予以為

徒費大農數十萬緡之積。而無所以全活一遺
飢。往流殍之民。職等疏崇懼非所以示勸懲。
况近案唐仲友反為所訴。雖以罷其新任。而
根究指揮。尚未結絕。方藉業以俟斧誅。豈敢
遽竊恩榮。以塞
實刑之典。不允。**差江西提點刑獄辭詔與江**

東梁總兩易其任再辭。

初聞江西之命。即日解纜東還。亟具辭。

大畧以為所除官。乃填唐仲友闕。踰回奪牛之請。雖三尺童子。知其不可。臣愚何敢自安。願得歸耕於故壑。畢志舊聞。詔與江東梁總兩易之。又辭。且言祖鄒隸江東。墳墓田產合該迴避。詔特免迴避。復辭。以為今來所除。仍司按察。若復奉公守法。則恐如前所為。或至重傷朝廷事體。若但觀勢徇私。又恐下負夙心。上孤春使。乞特與祠。使得卒其舊業。迴避。

仇怨、特王時本辭職名不允之命同下、則又
辭以為前按唐仲友既不差官體究、恐臣所
按、有不公不實之罪、雖
以例沾恩賞詔、並不許
十一月始受職名、仍

力辭新任請祠

極言昨來所按賊吏實與衆多、恭布星羅、並當要路、自其

事發以來、大者宰制、幹旋於上、小者馳驚、經營於下、所以蔽日月之明、而損雷霆之威者、臣不敢論、若其加害於臣、不遺餘力、則達、至於師友淵源之所自、亦復無故橫肆、猷排、向非聖明洞見底蘊、則不惟不肖之身、反有魚肉、而其變亂白黑、誣誤聖朝、又有不可勝言者、時吏部尚書鄭丙、監察御史陳賈、奉時相意上疏、毀程氏之學、以陰紙朱子故、奏及之、

淳熙十年癸卯、正月差主管台州崇道觀、上覽

奏。知不可強起。故有是命。初朱子起守南康。使浙東。始有以身殉國之意。及是知進之難行。退而奉祠。杜門不出。海內學者尊信。益衆。作感春賦。以見志。四月。武夷精

舍成。

正月。經始。至是落成。徙居之。四方士友來者甚衆。有稽舍雖詠並序。淳熙

十一年甲辰。力辨浙學之非。

朱子還自浙東。見其士習。馳驚

於外。每語學者。且觀孟子道性善。及求放心兩章。務收斂。疑定。以致免己求仁之功。而深斥其所學之誤。以為舍六經語孟而尊史達舍窮理盡性而談世變。舍治心修身而喜事功。大為學者心術之害。極力為呂祖儉書云。大抵此學以尊德性求放心為本。而講以聖賢親切之訓。以開明之。若通古今考事變。則亦隨力所至。推廣損益。以為補助耳。不當以

彼為重。而反輕。疑定收故之實。少聖賢親切之訓也。若如此說。則是學問之道。不在於己。而在於書。不在於經。而在於史。為子思孟子則孤陋狹劣。而不足觀。必為司馬遷班固范蔚宗陳壽之徒。然後可以造於高明。正大簡易明白之域也。與劉子澄書云。伯恭無恙時。愛說史學。身後為後生輩糊塗說出一段。綴論。賤王尊霸。謀利計功。更不可以聽矣。淳

熙十二年乙巳二月崇道秩滿復請祠差主

管華州雲臺觀淳熙十三年丙午三月易學

啟蒙成

於六經遺秦煨燼。惟易以卜筮得全。迄於漢魏。流為鐵緯之學。王弼始刊落

象數。釋以清談。諸儒因之。至伊川程子始發明孔氏之微言。而卦爻之本則未及焉。康節

邵子傳伏羲先天圖。蓋得其本。而亦未及於卜筮也。朱子既推義文之意。作周易本義。又懼學者未明取旨。乃作啟蒙四篇。以為言易不本象數。既支離散漫。而無所根著。其本象數者。又不知法象之自然。未免牽合附會。故其篇目。以本圖書原卦畫明著策考變占為次。凡卦揲及變爻。又皆盡破古今諸儒之殊。而易經始還其舊焉。八月孝經

刊誤成。淳熙十四年丁未正月如黃昂陳福

公。

以三紀遊從。晚歲知己。且為中興賢輔。故以十里赴吊。并為文祭之。是歲作律呂新

書三月小學成。

朱子既發揮大學以開悟學者。又懼其失序無本而不足

以有進也。乃輯此書以訓家士。使培其根以達其枝。內篇四曰立教曰明倫曰敬身曰稽

古。外篇二。曰嘉言。曰善。行修身之事。此畧併焉。差主管南京鴻慶宮。

七月差江西

王本作江南西路

提點刑獄辭

時上諭宰執朱

熹久間可與監司周必大議除轉運副使。或謂金作王金穀非其所長。故有是命。詰詞云。

勅宣教郎直殿。散閣主管南京鴻慶宮朱熹。爾好古道。據正不回。利物愛人。用志彌篤。擁州麾。分使節。先德後刑。民從其化。而救荒之政。所全活者尤衆。久從家食。念之不忘。江右特平。往哉。惟允。行爾盡心之學。廣我好生之仁。可依前官差提點江南西路刑獄公事。

淳熙十四年七月內陳居仁行詞。淳熙十五

年戊申正月趣奏事之任。復以疾再辭。不允。

且趣入對。六月壬申奏事延和殿。會軍臣王淮罷政。乃

以其月入國門。丞相周必大令人諭意云。上問朱熹到已數日。何不請對。遂詣闕門進。榜子有言。初七日。後殿班引。及對。上迎謂之曰。久不見卿。卿亦老矣。自陳昨任浙東提舉。由荷聖恩保全。上曰。浙東教荒。無究心。又言蒙除江西提刑。東朽多疾。不任使令。上曰。知卿剛正。今留在此。特與清要。差遣不復勞卿州縣。獎諭甚渥。再三辭謝。方出奏劄。上曰。正所願聞。其一言刑獄失當。上曰。似此有傷風教。不可不理會。其二言獄官當擇其人。三言經總制錢。四言諸州科罰。上曰。聞多是羅織富民。其五乃言陛下即位二十有七年。因循在苒。無尺寸之效。可以仰酬聖志。因反復以天理人欲為言。規諷切至。又言置將之權。旁出

聞寺上曰。這箇事却不然。盡是採之公論。如
何由他。對曰。彼雖不敢公荐。然皆出於士大
夫之公論。而實出於此曹之私意。獨陛下未
知之耳。又指甘昇問上曰。陛下知此人否。上
曰。國是。但滿洩文書。乃是。他子弟之罪。對曰。
豈有子弟有罪。而父兄無罪。然此特一事耳。
此人扶勢為奸。所以為盛德之累者多矣。上
曰。高宗以其才荐過來。對曰。小人無才。尚
有才。鮮不為惡。至論言官。誠然奏曰。陛下以
曾任知縣人。為六院官。察。則則取以充之。枉
則取以充之。官。雖曰親擢。然其途轍一定。牢
相得。以先布私恩。於合入之人。及當言責。往
往懷其私恩。豈肯言其過失。上曰。然。近日之
事。可見矣。至論軍政不備。士卒愁怨。曰。主將
剋剋士卒。以為苞苴。陞轉階級。皆有成價。上
曰。却不聞此。果有時。豈不理會。卿可仔細採

探來說。未復辭云。朕對江西。係是盜賊。刑獄浩繁。去處久闕。正官臣今遣遣前去之任。不知有何處分。上曰。卿自詳練。不在多囑。是行也。有要之於路。以正心誠意。上所厭聞。或以勿言。朱子曰。吾平生所學。惟此四字。豈可回互而欺吾君。及奏上。未嘗不稱善。除兵部郎官。以足疾請祠。詔依舊職名。提刑江西。前數日。兵部侍郎林栗。與朱子論易及西銘不合。栗怒。至是遣吏叱印來迫供職。時朱子以足疾甚。在告。中部乞候疾愈。不聽。朔日。栗既其欺慢。請行罷逐。故事。無以待郎勅本部郎者。滿朝皆駭笑之。於是朱子請祠。上曰。林栗言過當。丞相周必大奏。素上殿之日。足疾未瘳。勉強登對。上曰。朕亦見其跛曳。時上意方向朱子。欲易他部。丞相請仍授提刑。從之。

七月除直寶文閣主管西京崇福宮

朱子既行且辭

曰論者謂臣事君無禮臣愚臣子有此名罪當誅戮豈可復仕外臺耳目之寄上覽之論罕執曰林栗章初未降出何得外廷宣播或對以栗在漏舍宜言章疏人人知之上不悅太常博士葉適上疏極言栗以私意勸誘所言不實侍御史胡晉臣論栗狼懷自用無事而指學者為黨最人之所惡聞栗遂罷去詔朱熹可疾速之任因固辭足疾不任起發復丐祠遂除直寶文閣主管兩京嵩山崇福宮詔詞云朕惟康節不立風俗未淳思得難進易退之士表而用之庶幾曠作無然變其舊習屬之學術遠有淵源其為操行養之久矣志在憂時曾未得一日立於朝比以部刺史入奏便殿朕嘉其諫論留賓郎曹蓋將連訪

清要之地。遽以疾。諗祈反。初服既勉。從於素
志。復更請於真祠。夫招麾何意於去來。仕止
不形於喜愠。此古之清遠之士也。朕察爾誠。
是用陞職二等。聽食優閑之祿。身雖有王本作
五外亦有補淳熙十五年八月口口日中書
於風化矣。

舍人鄭僑行詞

時廟堂知上眷厚。憚朱子九
復入故為兩罷之策焉耳。

月復召辭

初朱子之去。上悟其故。至是復召
之。朱子以為遷官進職。皆為許其

閑退。方竊難進。易退之。褒復為彈冠結綬。十
之計。則其為世觀笑。不但往來屑屑之譏。

一月趣入對。再辭。遂上封事。

初朱子入奏事。
迫於疾作。嘗而

奏以為口陳之說。有所未盡。乞具封事以聞。
至是再辭。遂併具封事投匭。以進其畧。曰。今

天下大勢。如人有重病。內自心腹。外達四肢。無一毫一髮不受病者。臣敢以天下之大本。與今日之急務。為陛下言之。蓋大本者。陛下之心。急務。則輔翼太子。選任大臣。振舉綱維。變化風俗。養愛民力。修明軍政。六者是也。凡此六事。皆不可緩。而本在於陛下之一心。一心正。則六事無不正。一有人心。私欲介乎其間。則雖憊精勞力。以求正乎六事。亦將徒為文具。而天下之事。愈至於不可為矣。疏入。夜漏下七刻。上已就寢。亟起。東燭讀之。終篇。

除主管西太一宮兼崇政殿說書辭

於是上感其忠

鯁。故有經帷之命。蓋將為燕翼謀也。朱子因奏草疏。奏言。講學以正心修身。以齊家遠使。要。以近忠直。抑私恩。以抗公道。明義理。以絕神姦。擇師傅。以輔皇儲。精選任。以明體統。振

綱紀以屬風俗。節財用以固邦本。修政事以
攘夷狄。凡十事。欲以為新政之助。會執政。有
指道學為邪氣者。力始出太極通書西銘解
辭新命。遂不果上。

義以授學者

初陸象山之兄九韶嘗有書與朱子言太極圖說非正。曲加扶掖。

終為病根。意謂不當於太極上更加無極二字。朱子答書云。不言無極。則太極同於一物。而不足以為萬化根本。不言太極。則無極淪於虛寂。而不能以為萬化根本。又曰。無極則是無形。太極只是有理。子美不以為然。是過象山為之申辨。第一書有曰。易之大傳曰。形而上者謂之道。又曰。一陰一陽之謂道。一陰一陽。已是形而上者。況太極乎。極者中也。言無極。則是言無中也。豈宜以無極字加於太極之上。無極二字出於老子聖人之書所

無有也。朱子答書有云。大傳既曰形而上者謂之道矣。而又曰一陰一陽之謂道。此豈真以陰陽為形而上者哉。正所以見一陰一陽雖屬形器。然其所以一陰而一陽者。乃其道體之所為也。故語道體之至極。則謂之太極。語太極之流行。則謂之道。雖名二物。實無兩體。周子所以謂之無極者。正以其所以無方所。無形狀。以為在無物之前。而未嘗不立於有物之後。以為在陰陽之外。而未嘗不行乎陰陽之中。以為通貫全體。無乎不在。則又初無聲臭形響之可言也。今乃深詆無極之不然。則是直以太極為有形。狀有方所。且以陰陽為形而上者。則既昧於道器之分矣。又於形而上者。一上復有况太極乎之語。則是又以道上別有一物。為太極矣。如老子復歸於無極。無極乃無窮之義。非若周子所言之意。

也。象山第二書有曰：老氏以無為天地之始，以有為萬物之母，以常無觀妙，以常有觀竅。直將無字搭在上面，正是老氏之學，豈可諱也。朱子答書有曰：詳老氏之言，有無以有無為一，正如南北水火之相反，更請仔細著眼，未可容易議評也。如曰：未然，則我日斯邁而月斯征，各尊所聞，各行所知，無復望其必同也。淳熙十六年己酉，除秘閣修撰，辭。時孝宗內禪，是歲序大學中庸章句，且學庸二書，定著已久，是以穩愜於心，而始序之者，又各著或問之書。王本無之中書王本書王本輯語王本。四月

再辭職名，許之。仍舊直寶文閣，降詔獎諭。詞詔

去以為寵卿以爵秩不若全卿
之名節為尤美也乃上表謝
閏五月更化

覃恩轉朝散郎賜緋魚八月除江東轉運副

使又辭

詔疾連之任任滿前來奏事朱子
以祖鄉田產隸部內辭詔免迴避千

一月改知漳州再辭不允始拜命

以光宗初
政再被除

命遂不光宗紹熙元年庚戌四月到郡首頌

禮教

臨漳風俗薄陋民不知禮至有居父母
喪而不服衰經者朱子首下教述古今

禮律以開諭之又採古喪葬嫁娶之儀揭以
示之命父老解說以訓子弟其俗尤崇尚釋

氏男女至聚僧廬為傳經會女不嫁者私為
庵舍以居悉禁之俗為大變時詣學校訓誘

諸生。如南康時。其至郡齋請業問難者。接之不倦。又擇士之有行義知廉恥者。使列學職。為諸生倡。按語錄云。先生初到時。教習諸軍弓射。分作三番。每月輪番入教場挽弓。及等者有賞。不及者留射。及等則止。終不及者罷之。兩月之間。皆成精伎。又熟聞知其本。趙帥處之為人。試之政事。尤得其實。遂首舉之。聞者無不心服。奏除屬邑上

供罷科茶錢。及蠲減本州無額經總制錢。凡

萬餘緡。奏行經界法。

初朱子為同安簿。已知經界不行之害。至是即

加訪問。講求纖悉。必究。以至弓量等作。其造之法。盡得其說。乃具陳利害。疏於朝。及與執政書。究論之。然貧民下戶。莫不深喜。而貴家豪勢。兼并侵漁者。輒以為不便。會州人有

居要路者。幸其有是。奏。並啟從之久。之有旨。本州先行經界。後竟有以阻之者。事遂以寢。十月以地震及足疾不能赴錫宴。自劾。仍請

祠不允。刻五經四書於郡。

各著為說。繫於諸經書後。以曉學者。

按語錄云。素如今方得見聖人一言一字。不吾欺。只今六十一歲。方理會得。他地又曰。素覺得今年方無礙。又曰。素當初講學。已豈意到這裏。幸而大假之年。許多道理在這裏。今年頗覺勝似去年。勝似去年。紹熙二年辛亥春與永

嘉陳君舉論學。

朱子往歲聞陳傳良君舉嘗著詩說。以書問云。王本云。至

是書來報云。來微詩說。年來或與士友言之。未嘗落筆。愚見願以雅頌之音。蕭勺羣慝。訓

訪章句。付之諸生。又謂二十年間。聞見異同。無從就正。聞欲以書叩之。念者常前有長樂之爭。莊本作樂之長。者後有臨川之辯。他如永康往還。動數千言。更相切磋。確未見其益。而學者轉相夸毗。漫失本旨。蓋剗剗太精。頗傷簡易。矜持已甚。反涉各驕。以此益覺書不能宣。要須請見。究此衷曲耳。朱子答書云。嘗謂人之為學。若從平實地上循序加功。則其目前雖未見日計之益。而積累工夫。漸見端緒。自然不假用意。裝點。不待用力支撐。而聖賢之心。義理之實。必皆有以見其確然。而不可易者。至於講論之際。心即是口。口即是心。豈容別生計較。依違遷就。以為諧俗自便之計耶。今人為學。既已過高。而傷巧。是以其說常至於依違遷就。而無所分別。蓋其胸中未能無纖芥之疑。有以致然。非獨以避咎之故。而後

詭於辭也。若素之愚見王本見信已篤。向來
之辨。雖至於連曉取辱。然至於今日。此心耿
耿。猶恨其言之未盡。不足以暢彼此之懷。合
異同之趣。而不敢以為悔也。老病憂幽。死忌
王本忌無日。念此大事。非一人私說。一朝淺
計。而終無面寫之期。是以冒致愚悃。鄉風引
領。不勝馳情。
二月與趙師書論招州軍募江

後無聞焉

戊三月復除祕閣修撰。主管南京鴻慶宮任

便居住

正月長子塾卒於要州。報至即以繼體服新喪。可祠歸治喪葬。遂有是除。

四月去郡再辭職名

上初政。嘗除祕撰。時已力辭。奉詔褒許。難以復

受故再辭焉。與留丞相書論黨禍。且以黨正黜邪為諷。其治漳也。一以崇教化。正風俗為

先務。暮年化感而。五月歸次建陽寓同由橋。
去漳民莫不思之。

七月再辭職名不允。
詔諭撰之職以罷名儒乃不敢辭。九月

除湖南轉運副使。辭。十二月仍以漳州經界

不行自劾。紹熙三年壬子。二月復請補祠職。

從之。
詔漳州經界議行已久。湖南使節事不相關。可疾之任。朱子猶以補祠職為請。

遂乃許從始築室於建陽之考亭。
先是韋齊嘗過考亭。

而愛之。書日記曰。考亭溪山清。
永嘉陳同甫

來訪。
同甫名亮。永康人以文雄浙中。自負王霸之畧。而任俠豪舉。朱子往歲嘗以書

或其義利雙行。王霸並用。且謂漢唐行事。非三綱五常之正。以風切之。同甫有書辨難。朱子累答書。極力開論。同甫雖不能改。未嘗不心服。每遇朱子生辰。雖居千里外。必遣人問遺。歲以為常。至是來訪。朱子嘗曰。海內學術之弊。不說兩說。江西頓悟。與永康事功。若不極力爭辨。此十二月除知靜江府廣西經畧道。無由得明。

辭。紹熙四年癸丑正月再辭。十二月除知潭

州湖南安撫。辭不允。

或傳是冬使人自虜中回。虜問南朝朱先生安。

在答以見擢用。歸白廟堂。遂有是除。語詞云。

十國為連師。師是寄刻長沙。據湖湘上游。賜

履甚廣。視邦選侯尤難。其人以爾學古粹深。

風節峻持。作王時本持。可以為世之師。仁心仁聞。

威惠孚洽。可以為時之帥。燕是二者。往臨藩
方。聲望所加。列城聳服。儒先相望。士氣方振。
爾其為朕敷之。楚俗雖安。尚有凋瘵。爾
其為朕撫之。典刑所存。莫事多訓。可。紹熙

四年十二月口口日中書舍人樓鑰行詞。朱

以辭遠就近。不。紹熙五年甲寅正月再辭。詔

疾速之任。詔長沙巨屏得賢為重生。王主

疾速之任。會洞。條侵擾。五月至鎮。在途次。老

屬郡。恐其滋熾。遂拜命。長沙士子。夙知向學。

觀大道。填。幾不可行。問學子雲集。朱子誨

誘不倦。坐席至不。洞獠侵擾郡境。遣使諭降

能容士俗。惟動

之。狂人蒲來矢出有地作禍。或薦軍校田昇
可用。召問之。以為可招。期以某日不俾以
來。將新汝昇。即以數十輩馳往。取文書粗若
告身者數通。自隨。諭以禍福。來矢聽命。遂併
其妻子。俘以至。官。改建嶽麓書院。書院本樞
給衣冠。引教。不誅。軒先生之舊。久而廢。乃更擇爽塏之地。而
新之。別置員領以待。不由課試而入者。其廩
給與羣庠等。朱子常窮日之力治郡事。夜則
與諸生講論。問答。畧無倦色。每訓以切己務
實之學。懇惻至到。奏請飛虎軍隸本路節制
聞者感動不已。從之。以本路別無軍馬。唯賴飛虎軍以壯
聲勢。而乃選隸襄陽。不便。故以為請。六
月申乞歸田。不允。時孝宗陞遐。朱子哀慟不
能自勝。又聞光宗以疾不

能執喪。中外皆洵。洵憂懼。遂有此請。七月寧宗即位。召赴行在。

奏事辭。

先是蜀人黃裳為嘉郎翊善。善講說。開導。上學。頃進。一日光宗宣諭曰。嘉

王進學。皆卿之功。裳謝。因進曰。若欲進德修業。追蹤古先哲王。則須尋天下第一等人。乃可。光宗問為誰。對曰。朱熹。或言長沙之命。亦頗由此。彭龜年繼為官僚。因講魯莊公不能制其母。云母不可制。當制其侍御僕從。上問此誰之說。對曰。朱熹之說。自後每講必問朱熹之說。云何。蓋存心已久。改正釋奠禮儀。行於郡。先是漳州任內。嘗列上釋奠禮儀得請。施行。既去官。復格不下。至是下之。時召還。奏事。又苦目眚。乃力疾躬為鈎校。刪剔。復撰。奏事。又定為數條。頒行。巡內州邑。僅畢而

行。立忠節廟。

東晉王敦之亂。湘州刺史譙閔王司馬承起兵討賊。不克而死。

紹興初。金賊犯順。通判潭州事孟彥卿。趙民

多督兵迎戰。臨陣遇害。城陷之日。將軍劉玠。兵官趙聿之。巷戰罵賊。不屈而死。五人皆以忠節歿於王事。而從前未有廟貌。乃於城隍

廟內。創立祠堂。肖像祀之。又請於朝。賜廟額曰忠節。八月除煥章閣待

制兼侍講。再辭不允。仍趣令疾速供職。

浩詞云。朕

初奉大統。未暇他圖。首聞經帷。詳延學士。眷儒宗之在外。頒乃王字。無名節。以趣歸。徑登

從班。以重吾道。具位朱熹。發六經之蘊。窮百氏之源。其在兩朝。未為不用。至今四海。猶謂

多奇。擢之。次對之班。處以過英之列。若程頤之在元祐。若尹焞之於紹興。副吾尊德樂義。

之誠。究爾正心誠意之說。豈惟慰滿於士論。且將增益於朕躬。非不知政化方行。師垣有賴。試望之於馮翊。不如寘之本朝。召賈傳於長沙。自當接以前席。慰茲渴想。望爾速驅可。紹熙五年八月口口日黃由行詞。朱子初辭。兼司不報。遂東歸。道中忽被除命。以為起躡不次之除。不免冒昧之譏。乞仍舊奉祠。辭至再。且云。陛下嗣位之初。方將一新庶政。所宜愛惜名器。若使偉門一開。其弊豈可復塞。至於博延儒臣。專意講學。蓋將求所以深得親惟者。為建極導民之本。思所以大振朝綱者。為防微慮遠之圖。顧問之臣。實資輔養。用人或謬。所繫非輕。蓋朱子在道。開南內朝禮尚缺。近習已有用事。九日晦日至自長沙。次於者。故預有是言。

郭外

先是朱子行至上饒。聞以內批逐首相。有憂色。學者問其故。曰。大臣進退亦當

存其體貌。豈宜如此。或謂此蓋廟堂之意。曰。何不諷其請去而後許之。上新立。豈可道之。

使輟逐大臣耶。及至六和塔。永嘉諸賢俱集。各陳所欲施行之策。紛紜不決。朱子曰。彼方為几。我方為肉。何暇議及此哉。蓋是時近習用事。御筆指揮。皆已有端。故朱子憂之。十

月朔乞且帶舊奏事。次日入國門。越日奏事。

行宮便殿。

其畧曰。天運艱難。國有大咎。所謂天下之大變。而不可以常理處也。

太皇太后躬定大策。皇帝陛下宣紹至圖。所謂處之以權。而庶幾不失其正者。亦曰陛下之心。前日未嘗有求位之計。今日未嘗忘思親之懷耳。充吾未嘗求位之心。則可以盡吾

負罪引慝之誠。充吾未嘗忘親之心。則可以致吾溫清定省之禮。如此而大倫可正。大本可立矣。次言為學之道。莫先於窮理。而窮理之要。必在於讀書。讀書之法。莫貴於循序而致精。而致精之本。則又在於居敬。而持志。此不易之理也。其三劄。皆言湖南事宜。初朱子行至宜春。門人廬陵劉敞遮見。請曰。先生是行。上虛心以待問。敢問其道。何先。曰。今日之事。非大改不足。以悅天意。服人心。然天下無不可為之時。人主無不可進之善。吾知竭吾誠。盡吾力耳。外此非吾所能預計者也。辭新除職名。不允。奏事納劄。子辭職名。有旨。依已降指揮。不允。又申省。以為未得進說。而先受厚恩。萬一異時未致涓埃。而疾病不支。遂竊侍從職名而去。則臣死有餘罪。上手劄。卿經術淵源。正資勸講。

次對之職。勿復牢辭。以副上孝宗山陵議狀。

朕崇儒重道之意。乃拜命。趙彥適接視山陵。謂土肉淺薄。掘深五尺。下有水石。旋改新穴。視舊僅高尺餘。孫達吉履。

按亦乞少寬日月。別求吉兆。有旨集議臺史。憚之。議遂中寢。朱子乃上議狀言。壽皇聖德。

神功宜得吉土。以奉衣冠之藏。當廣求術士。博訪名山。不宜偏信臺史罔上誤國之言。固。

執紹興坐南向北之說。妄之水泉。辛丑受詔。砂礫之中。錢破浮淺之地。不報。

進講大學。故事。講筵每遇隻日。早晚進講。及至當日。或值假。故即行權罷。又大。

寒大暑亦係罷講。月分乃奏乞除朔望旬休。及過宮日外。不以寒暑雙隻月日諸色假。枉。

非故諸已並令逐日早晚進講。從之。朱子每講務積誠意。以感悟上心。以平日所論著者數。

陳開析坦照明白可舉而行講畢有可以開
益聖德者聲竭無隆作王臣上亦虛心以嘉

納差兼實錄院同修撰再辭不允更化覃恩

授朝請郎賜紫金魚袋誥詞云學先王之道而明於當世之務三

仕三已義不苟合天下高之蓋累朝之所嘉

嘆也王字無而不忘矣長沙謀帥強為時起

肆予初政式遠其歸於以講王勸講於朕將

告已聽焉爰因大升序進厥扶雖曰舊章亦

良行詞乙巳晚講乞令後省看詳封事時以雷雨

之異下詔求言因奏登極之初獻言者衆乞令後省官看詳擇其善者條上取旨施行庶

聞者知勸。直言日聞。詔差沈有。奏乞三年內
開劉光祖看詳。限十日奏聞。

賀禮並免。

瑞慶聖節前一日。晚間報來。日百
官稱賀。朱子欲不出。不可。乃草劄。

子明日立班投進。有旨却賀。表不受。末
復請三年內賀禮并免。節序進名奉慰。庚戌

講筵留身奏四事。

時有旨修葺東宮。為屋數
百間。而諫臣黃度將論近

習。遽以特批逐之。朱子不勝憂慮。乃具奏四
事。其畧曰。上帝震怒。災異數出。畿甸百姓饑
饉流離。太上皇帝未有進見之期。而壽皇在
殯。因山未卜。几筵之奉。不容少弛。太皇太后
皇太后。皆以尊老之年。莞然憂苦。晨昏之養
尤不可闕。不宜大興土木。以適安便。又壽康
定省之禮。所宜下詔自責。頻日繼往。至於朝
廷紀綱。尤所當嚴。今進退軍執。移易臺諫。皆

出於陛下之獨斷中外傳聞皆謂左右或竊
其柄而其所以行又未能盡允於公議至於
宮之下偏聽臺史謬妄之言但欲祐思諸
之旁趨那遽就苟且了當既不為壽皇體
安寧之慮又不為宗社久遠血食之圖臣
陛下首罷修葺東宮之役而以其工料回就
慈福重華之間草創寢殿一二十間使粗
居及過宮之日願暫變服色望見太上皇帝
即當流涕伏地抱膝吮乳以伸負罪引慝之
誠及深詔左右勿預朝政而凡號令之弛張
人材之進退則一委之二三大臣使之較量
勿徇己見若夫山林作史之下作王本亦
望先寬七月之期以熙臺史之說別求草澤
以營新宮使壽皇之遺體得安於內則宗祖
作祖王本生靈皆蒙福於外矣此四事皆今日
最急之務切乞留神反復思慮斷而行之上

為之感動然卒無所施行閏月朔編講章以進朱子進講數論及盤

銘丹書復編次成佚以進上善且令點句求

間作以聞來本他在求放心耳朱子頓首謝因復奏既勉上

進德具言願陛下日用之間語點動靜必求

教心以為之本而於玩經觀史已用力處益

用力焉數召大臣切劘治道俾陳今日要務

畧如仁祖開天章閣故事至於羣臣進對亦

賜溫顏反復詢訪以求政事之得失民情之

休戚而又因以察其人材之邪正短長庶於

天下之事各得其理所以推廣上意焉朱子

退謂門人曰上可與為善願本願作王請修嫡孫

承重之服累曰理經勅令子為父嫡孫承重

為祖父皆新棄三年蓋嫡子當為

父後。以承大宗之重。而不能襲位以執喪。則嫡孫繼統以代之。義當然也。漢文短喪之制。後千有餘年。莫能釐正。及我壽皇聖帝。至性孝誠。易月之外。猶執通喪。超越千古。拘掌牽制之弊。甚盛德也。問。問。問。本者。遺詔初頒。太上皇帝偶違康豫。不能躬就。喪次。陛下實以世嫡之重。仰承大統。則所謂承重之服。著在禮律。所宜一遵壽皇以行之法。易月之外。且以布衣布冠。視朝聽政。以代太上皇帝躬執三年之喪。而一時倉卒。不及詳議。遂用漆紗淺黃之服。不惟上違禮律。無以風示天下。且將使壽皇已行之禮。舉而復墜。臣竊痛之。然既往之失。不及追改。惟有將來啟殯發引。禮當復用初喪之服。欲望陛下仰體壽皇聖孝成法。明詔禮官。稽攷禮律。預行指定。詔禮官討論。後不果行。按書奏。恭從云。嫡孫為祖。禮

經無文。但傳云父歿而為祖後者服斬。本條下疏中有諸侯父有廢疾不任國政不任長事之問。而鄭答以天子諸侯之服皆斬之文。方見父在而承國於祖之服。向來入此文。字時無文字。可檢歸來稽攷。始見此說。方得無疑也。乃知學之不講。其害也亦如此矣。上

廟祧議

孝宗將祔廟。禮官初請祧宣祖而祔

太祖。東向之位者。宰相趙汝愚素主此說。給舍樓鑰陳傅良皆附和之。癸亥當集議。朱子度難以口舌爭。乃辭疾不赴。而入議狀。條其不可者四。復引大儒程頤之說。以為物豈無本而生者。今日天下基本。蓋出傳祖。豈可無功德之說。上之宰相不聽。復奏疏論之。臺諫因乞且依禮官初議。樓鑰獨乞主併祧之說。丙寅得旨。來日內引。丁卯入對。賜食上問外

事人才畢。請宣引之旨。上於榻後取文書一卷曰。此卿所奏廟議也。可細陳其說。初朱子既被旨。恐上必問及乃。取所論。畫為國本貼說。詳盡。至是出以陳奏。久之上再三稱善。且曰。傳祖乃國家始祖。高宗孝宗太上皇帝俱不曾祀。今日豈可容易可於榻前撰數語。俟徑批出施行。朱子方懋內批之辭。因乞降出劄子。再令臣僚集議。上亦然之。既退。即以上意諭廟堂。則聞已毀傳宣廟。而更創別廟以祀四祖矣。時既以前相王安石之論為非。異議之徒。忌其軋也。他已不藉以求勝。事竟不行。天下皆恨之。

准告封婺源

縣開國男食邑三百戶。戊辰入史院。

朱子以實錄院

各無統紀。修撰官三員。檢討官四員。各欲著撰。不相統攝。所修前後往往不相應。嘗與眾

議欲以事目分之。譬之六部。吏部專編差除
禮部專編典禮。刑部專編刑法。須依次序編
排。各具首末。然後類聚為書。方有條理。又若
若字本無。如一事而紀載不同者。須至
簿抄出。與眾會議。然後去取。庶幾存
得案作案總底在時。檢討官不從。
丙戌詔

除授寶文閣待制。知江陵府。湖北安撫。辭。

是日

晚請留身。中言前疏乞賜施行。即降御批。朕
憫卿耆父。方比隆冬。恐難立講。已除卿官。觀
可知。悉宰相趙汝愚劄劄固諫。內侍王德
謙徑遣付下。曰。即附奏。以謝陳傅良。皆爭留之。不可。有旨。除寶文閣與
州郡差遣。遂行。通除知江陵府。辭不允。他日
工部侍郎黃艾。因對問。所以逐朱熹之。驟上
日。始除熹經筵。爾今乃事事欲與聞。吏侍孫

達吉亦因講權輿之詩反復以諷上曰朱熹
所言多不可用初韓侂胄自謂有定策功且
依托肺腑出入宮掖居中用事朱子聞之場
然以為憂因辭免職名已微寓其意乃無王
字及進對白發其奸龜年出護使客侂胄益得
年進對白發其奸龜年出護使客侂胄益得
志朱子又數以手書遣生徒密白丞相當以
厚賞酌其勞勿使得預朝政丞相方謂其易
制所倚以為腹心謀事之人又皆持祿苟安
無復遠慮朱子獨懷忠憤因講畢奏疏極言
之侂胄大怒陰與其黨謀去之而一時爭名
之流亦潛有讒間之意由是侂胄之計遂行
朱子計侂胄既去國彭龜年遂攻侂胄因奏
曰正緣陛下近日逐得朱熹太暴故亦欲陞
下亟去此小人既而省劄直批龜年與鄧侂
胄由此聲勢益張羣儉附和并疑及丞相視

正士如深仇衣冠之禍蓋由此云

十一月還考亭復辭前命

仍乞追還新舊職名

初還過玉山邑軍司馬遇請為諸生講說辭不

獲乃就縣庠賓位因學者所請問而發明道要聞者興起邁刻講義一篇以傳於世及抵家逆力辭

十二月詔依舊煥章閣待制提舉

南京鴻慶宮

詰詞云從欲者聖人之仁尚諫者君子之行眷我執經之老辭

夫次對之榮既諒忱誠其頌茂命以爾心耽培興性樂邱樊被累朝之特詔稱疾屢矣於十連而趣召肯起翻然既陪東學之遊兼侍西清之邃講筵錢卿方喜桓榮之說書高論未聞遽若貢生之懷土仍夫華職秩以真祠益彰優老之風且示隆儒之意逮茲累歲始

復有陳前受之是。今受之非誰能無惑。大遜如慢小。遜如偽夫。豈其然。顧爾務拘於名高。在我。詎輕於爵。馭俾解禁嚴之。直復居論著之。聯雖雅志之。勉從在至懷而良。唏噫。厥承明勞侍從。既違持索之班。歸鄉里。受生徒。往究專門之業。其祇予訓用。蹈于中。可依舊秘閣。修撰宮。竹林精舍成。朱子既歸。學者甚衆。觀差造。至是精舍成。率諸生。

竹林精舍成

行釋菜禮於先聖。其丈畧曰。恭惟道統。逸自羲軒。集厥大成。允屬元聖。維顏曾氏。傳得其宗。逮思及孟。益以光大。自時厥後。口耳失真。十有餘年。乃曰。有繼周程。授受萬里。一原曰。邵曰。張。爰及司馬。學雖殊轍。道則同歸。俾我後人。如夜復旦。熹以凡陋。少蒙義方。中靡常師。晚親有道。載錯載仰。雖未有聞。賴天之靈。幸無失墜。逮茲退老。同好鼎來。落此一邱。羣。

居伊始探原推本敢昧厥初精舍規約整肅
置堂長以司之且書其門符云道遠前聖統
朋誤遠方來後精舍更名滄洲寧宗慶元元年乙卯正月辭

舊職名三月又辭並不允

以議傳祖桃不合自勅并累申省有

旨次對之職除授已又又王本與廟議初不相開依已降指揮已降指揮久休不得再有陳

請慶元元年十二月口口日中書舍人傅伯

壽行詞轉朝奉大夫

誥詞云勅登崇俊良因欲符初初王不衆望丕

視功載自難廢於桑章雖吾法從之英亦用敏達之典其位受才宏遠造道精醇舉明主於三代之隆夙懷此志以六經為諸儒之倡務淑私人爵每見於辭榮節素高於難進載

稽考吏。爰陟文階。積久以致官。恐未免於珎

如本昔人之議。舉賢不待次。當有以徇天下

之公。其體心勿忘猷告。可。慶元元年三月口口日中

書舍人鄧驛行詞。五月復辭職名。并乞致仕

不允。初倪青即欲併逐趙相而難其辭。及是

詎以不執竄永州。中外震駭。大權悉歸

倪青矣。倪青本武人。志在招權納賄。士大夫

嗜利無恥。或素為清議所擯者。乃教以除去

異己者。然後可以肆志。陰珎姓名授之。於是

羣小附和。以攻偽學。太府寺丞呂祖儉以論

救丞相貶韶州。先生自以蒙累朝知遇之恩

且尚帶從臣職名。義不容默。乃草封事數萬

言。極陳奸邪蔽主之禍。用以明丞相之冤。子

弟諸生。更進迭諫。以為必自

作自宜。本賈禍。先

生不聽。蔡元定入諫，請以著決之。遇避之同
人。先生默然。退取奏藁焚之，更號避翁，遂以
疾乞休致。十二月以屢辭職名，詔依舊充秘閣修

撰宮祠如故。

先生辭職名不允。又以嘗妄議

罪可待。又言已罷講官，不敢復帶

是歲楚辭

集註成。

時朝廷治黨人方急。丞相趙公謫死

楚辭以見志。其書

慶元二年丙辰二月申省

乞正恩數。

大意言昨來疏封錫服，封贈蔭補

乞改正

十二月褫職罷祠。

先是臺臣擊偽學

不許

既榜朝堂，未幾張

貴模指論太極圖說之非。省聞知之是科。取
士捐涉義理者。悉見黜落。士子咸避時忌。文
章日罕。門人楊道夫聞鄉曲射利者多。撰造
事跡。以投合言者之意。亟以書告。朱子報白。
死生禍福。久已置之度外。不煩過慮。久之。奸
人相顧。不敢發。獨胡絃草疏。將上。會遽去。不
果。沈繼祖以追論伊川先生。得為察官。絃因
以藁投之。繼祖銳於進取。意謂立可致富貴。
遂奏乞被職罷祠。從之。蔡元定隱居不仕。亦
持編置道州。善類重足。以立。是歲作皇極辯
記。是歲始修禮書。名曰儀禮經傳通解。其書
既而以小載。載王本諸義。各綴其後。其見於
他篇及他書。可相發明者。或附於經。或附於
義。其外如弟子職。保傅。王本解。解之屬。又自別
為篇。以附其類。其目有家禮。鄉禮。邦國禮。王

朝禮。喪禮。祭禮。大傳。外傳。其大體已具者。蓋
十七八。先是草草王本奏欲乞修三禮曰。遭
秦滅學。禮樂先壞。漢晉以來。諸儒補輯。竟無
全書。其頗存者。三禮而已。周官一書。因為禮
之綱領。至其儀法度數。則儀禮乃其本經。而
禮記郊特牲冠義等篇。乃其義說耳。前此猶
有三禮通禮學究諸科。禮雖不行。而士猶得
以通習。而知其說。熙寧以來。王安石變亂舊
制。廢罷儀禮。而獨存禮記之科。棄經任傳。遺
本宗末其失已甚。而博士諸生。又不過採其
虛文。以供應舉。至於其間。亦有因儀法度數
之實。而立文者。則成幽冥。而莫知其源。一有
大議。華用耳。學臆斷而已。若乃樂之為教。則
又絕無師授。律尺短長。聲音清濁。學士大夫
莫有知其說者。而不知其為闕也。臣昔在山
林。嘗與一二學者。考訂其說。欲以儀禮為經。

而取禮記及諸經史雜書所載有及於禮者
皆以附於本經之下。具列註疏諸儒之說。畧
有端緒。而私家無書檢閱。無人抄寫。久之未
成。曾作會王本。家除用。學徒分散。遂不為能就。
不王能就。造而鍾律之制。則士友間亦有得其
遺意者。竊欲更加參考。別為一書。以補六藝
之闕。而亦未能具也。欲望聖明。特詔有司。許
臣就秘書省。開借禮樂諸書。自行招致舊日
學徒十餘人。踏逐空閑官屋數間。與之居處。
令其編類。可以興起廢墜。垂之永久。使士知
實學。異時可為聖朝制作之助。
則斯文幸甚。會去國不及上。

已。別蔡元定於寒泉精舍。

前數日。朱子方與諸生講論。有以號

職之命來於寒泉精舍。問正語坐而講學。無厭者。或來報者。畧起視。作。規。王。本。語。坐。而。講。學。無厭者。或來報者。畧起視。作。規。王。本。語。坐。而。講。學。無

王有以作。初。翼旦。諸生乃知有指。揮。尋俱來謝。
講。論。如。初。翼旦。諸生乃知有指。揮。尋俱來謝。
其本。謝。身。累。云。雖。補。過。以。修。身。無。及。桑。榆。之。
暮。景。然。在。家。長。國。而。作。孝。心。傳。道。憂。命。辱。未。忘。
葵。藿。之。初。心。時。郡。縣。補。補。補。王。本。元。定。甚。急。
元。定。色。不。為。動。既。行。朱。子。與。嘗。所。游。百。餘。人。
會。別。淨。安。寺。坐。方。丈。寒。堂。外。無。嗟。勞。語。坐。客。
感。歎。有。泣。下。者。朱。子。微。視。元。定。不。異。平。時。因。
曰。朋。友。相。愛。之。情。李。通。不。挫。之。志。可。謂。兩。得。
之。矣。明。日。獨。與。元。定。會。宿。寒。泉。相。與。訂。正。參。
同。王。本。無。終。夕。不。寐。次。年。元。定。卒。於。春。陵。朱。
子。為。之。哀。慟。元。定。從。游。最。久。精。識。博。聞。同。輩。
皆。不。能。及。時。黨。禁。益。深。稍。稱。善。願。斥。逐。無。遺。
至。薦。舉。考。校。皆。為。屬。禁。朱。子。方。與。同。志。講。道。
於。竹。林。精。舍。不。為。輟。或。勸。以。謝。絕。生。徒。儉。德。
避。禍。者。朱。子。曰。福。福。之。來。命。也。或。又。微。諷。先。

生有天生德於予底意思却無微服過宋之意。曰：素不曾上書自辨，又不會作詩誇訕。只與朋友講習古書說道，理更不教做，却何事耶？
韓文考異成慶元四

年戊午作書傳

按大全集止載二典禹謨金縢召誥洛誥武成諸說數篇

及親筆百餘段具在。其他大義，悉口授蔡沈，俾足成之。

十二月引年乞

休

朱子以明年年及七十，尚帶階官義當納祿。具中，建寧府乞保明，申奏致仕。是歲答

李季章書云：親舊凋零如蔡季通、呂子約皆死，既所令人痛心。蓋無生意，所以惜此餘日。正為所編禮傳已畧見端倪，而未能就。若更得年餘間未死日與了，亦可以瞑目矣。

慶元五年己未四月有旨令守朝奉大夫致

仕始用野服見客

坐位傍作榜王本畧云榮陽呂公嘗言京洛致仕官與

人相接皆以閑居野服為禮而嘆外郎或不能然其指深矣又謂上衣下裳大帶方履比之涼衫自不為簡其所便者但取束帶足以為禮解帶足以燕居而已且使窮鄉下邑得見祖宗盛時京都舊俗其美如此亦補助風教之一端也慶元六年庚申

三月辛酉改大學誠意章

戊午歲嘗與廖德明帖云大學又修

得一番簡易平實次第可以絕筆是日改誠意章午刻疾甚不能與先是已未夜為諸生說太極圖庚申夜復說西銘甚詳且言為學之要惟事事審求其是決去其非積累久之心與之一自然所發皆無私曲聖人應萬事大地生萬物直此而已甲子朱子

卒。

前夕癸亥。稽舍諸生入問疾。告之曰。誤諸君遠來。然道理亦止是如此。但相徇率下。

堅苦工夫。牢固著足。方有進步處。諸生退。乃作三書。一書與子在。令早歸收拾遺文。一與黃幹。令更加勉力。且云。吾道之託在此。吾無憾矣。及令收禮書底本。踵而成之。其書界行。開具逐項合修條目。且封一卷。往為之式。一與范念德。託寫禮書。甲子。即命移寢中。堂。黎明。諸生復入問疾。因請曰。先生之疾革矣。萬一不諱。當用書儀乎。朱子搖首。然則當用儀禮乎。亦搖首。然則以儀禮書禮參用之手。乃領之。就枕。誤觸巾。目門人使正之。指婦人無得近。諸生揖而退之。良久乃怡然而逝。午之初刻也。吁。夫朱子享有七十一歲。而迭終諸禮。皆遵遺訓而已。

十一月壬申葬於建陽縣唐石里

之大林谷

會葬者
幾千人

紫陽朱文公先生年譜

卷之一終

第二冊。紫陽朱文公先生年譜附錄卷之二

行狀

全文不錄

紫陽朱文公年譜附錄卷之二終

謹案黃幹集朱子行狀。次言四海。次今書作
以擢用卿至今脫卿字進賢賞功。賢今書作
貧冒進擢之寵今書作進冒擢之寵差擢發
達南康軍事。今脫擢字先生自同安自今作
以各親其色日目今書作日故施次第。故施
今書作施說討軍實去浮冗今書作討理軍
實去其浮冗。倚附幽隱附今書作負歆討軍
實。討今書作討列邪供軍之數列今書作州

不樂莊士之讀言。讀今書作實。庶然向之今書作庶。然皆向之。胥吏投籍。稱今書作繪。又慮其勢有所偏。而因重以墜已之。今書重字於偏字下。羣小相提。提今書提。并且住雅。且今書作與。紹興丁身等錢。今脫身等字。昏庸者別與差違。仍選差得替。待闕宮廟持服官員時暫管幹。今書作昏庸者汰違。仍差違官得替。待闕宮廟持服官時暫管幹。春夏之交。夏今作秋。乞推行之。今脫乞字。寓公鈎訪民隱。鈎今書作館。所卸肅然肅。今書作蕭。而用心尤苦。若今書作若。台守今書作知。台州。輕重失宜。重今書作之。第二等以上人人今書作入。朋分角立。朋今書作明。少有凝滯。今脫有字。以疾在告。今脫在字。奇表裏。今書作表。選掄之際。掄今書作掄。勾考其有亡。有今書作在。競為苛急。競今書作競。急禁之。今書作

悉為之禁。方量之法。方今書作弓。蓋將求所以深得親。惟者將今書作精。脫蓋字。韓侂胄謀之。今書作議。謀之。屬易退之。節屬。今書作屬。動。飯。組。結。飯。今書作。飯。莫元主一。今書作先生。一存。此心。比。今書作。諸。衆。集。發。明。衆。今書作。衆。謹。其。獨。今。脫。其。字。失。所。依。歸。或。或。今書作。馬。良。韓。純。純。衆。今書作。衆。淳。熙。丙。申。今書作。乾。道。丁。酉。劉。學。古。古。今書作。家。路。殷。尤甚。路。今書作。路。純。純。衆。今書作。衆。純。純。今書。鑑。字於。鉅。字。上。主。營。華。州。雲。臺。觀。趙。師。夏。迎。士。紫臨。甫。周。興。亨。鄭。宗。亮。黃。然。從。政。郎。紹。興。府。會稽。縣。丞。趙。師。若。黃。慶。臣。李。公。玉。今。脫。夏。進。士。紫。紹。興。府。會稽。縣。丞。趙。師。若。黃。慶。臣。李。公。玉。今。脫。夏。進。士。紫。紹。興。府。會稽。縣。丞。趙。師。若。黃。慶。臣。李。公。玉。今。脫。夏。進。士。紫。紹。興。府。會稽。縣。丞。趙。師。若。黃。慶。臣。李。公。玉。今。脫。夏。進。士。紫。

第三冊紫陽朱文公先生年譜附錄卷之三

宋史道學本傳全文不錄紫陽朱文公先生年

譜附錄卷之三終

雖案宋史本傳。執政俱稱之。執今書作報。值
歲不雨。兩今書作與。王淮奏改長提舉浙東
常平茶鹽公事。今脫奏字。蓋書選建英豪有
今書作賞。不能盡得其人。蓋今書作旬。所奏
凡七事。今脫凡字。乞令浙西提判。委清強官
完實清。今書作指。蓋指委也。指今書作指。得
以久竊廊廟之權。久今書作又。左補闕薛叔
似叔。今書作叔。奇表難進之害。表今書作表。
未能徹其私邪之蔽。徹今書作徹。不能盡由
於法度。今脫法字。決可保其不至於有所妨
者。今書作有。不至於所妨者。魏為奇。意就今
書作就。然後以此自結於陛下之私人。今脫

此字。猶有可議者。據今書作𠂔。為屋至數百
間。至今書作三。正當恐懼修省之時。今脫恐
字。然上亦未有恐。去意也。今脫有字。補子雷
為其父復後。今書作段。為萬世法程。今書作
萬世為法程。既屢為上言。今脫屢字。又數以
手書教汝愚。今書作屢及數。以手書。劉德秀
任長沙。今書作任為長沙。望
令守臣約束。今書作守令臣。

第四冊。紫陽朱文公先生年譜附錄卷之四。

歷代褒典。宋。寧宗嘉泰二年。學禁稍弛。

詔朱熹華文閣待制。特與致仕恩澤。是時朱
子卒已數年。守臣不以聞。朝廷猶以生命存。

之。嘉定元年戊辰十月。詔賜謚與遺表恩。
澤。開禧三年。仇胄伏誅。凶徒愾黨。悉已斥。
戮。至是年十月十八日。三省同奉聖旨。朱熹。
特與賜謚。令有司議定申奏。仍依條與遺表。
恩澤。右劄付禮部太常寺。嘉定二年。詔朱。
熹賜謚曰文。謚議曰。三才定位。非道無與。
立也。儒者之學。所以講明大道。正人事之綱。
常。而參天地之化育。故世之治亂。常視道之。

隆汙。若饑者之食必以穀粟。寒者之衣必資桑麻。不可易也。自周衰。正學不明。道術分裂。急功利者昧本原。其流為申韓。尚清虛者忘實用。其弊為莊老。孔孟生乎其時。躬履是道。既與其徒辯問講究。又著而為書。使後世有傳焉。然轍環天下。詆毀困阨。至老而不獲用。身死而後其道始明。是何不能取信於當時。而乃獲伸於後世邪。蓋真偽之相奪。回不容。

以口舌勝。而枉已直人者。又聖賢之所不爲也。百年之後。愛憎泯。而是非定。則謗毀熄。而公議行矣。至漢之楊雄。隋之王通。唐之韓愈。學孔孟者也。其出處通塞。大抵皆然。故待制侍講朱公。自少有志斯道。既仕。志愈篤。累辭召請。益得以涵養所學。其後不獲命。亦屢位於朝。分符持節於外。而類多齟齬不合。主上龍飛。擢侍經筵。未幾。力排權臣而逐去。尋以

論者詆為偽學奪職。而公亦繼以下世矣。權

臣既誅。聖化日新。乃還舊職。特命賜謚。以公

之孝

謹案孝心傳道
命錄孝作學

曾不究用於平生。而僅

昭白於身後。豈其儒者之道。固不能以苟合。

而亦不可以終泯。蓋異時而同符也。謹案謚

法。道德博聞曰文。廉公方正曰忠。惟公躬履

純誠。潛心問學。近承伊洛。遠接洙泗。自格物

致知。閑邪存誠。以為踐履之實。用功於不睹。

不聞之際。加省於日用常行之間。及行著而
習察。德新而理明。然後明聖賢蘊奧之旨。救
清談功利之偏。訓釋諸經。平實坦明。使後學
有所依據。居鄉則信於朋友。而有講切之功。
居官則信於吏民。而以教化為務。非道德博
聞之謂乎。勤恤民隱。如恐傷之。奏減橫賦。修
舉荒政。為民有請。不避煩瀆。必使實惠下究。
任部使則糾發吏奸。不撓於權勢。雖忤時必

得其職乃已。至於立朝，則從容奏對，極言無隱。剴切論疏，發於至誠。方權臣初得志，竊弄威福，知其漸不可長，禍且及天下，抗章極論，繼於講筵密奏。雖知取禍弗顧也。非庶方公正之謂乎？彼詞章制作，兼備衆體，雄深雅健，追並古作，亦可以為文矣。而未足為道德博聞之文也。彼盡心獻納，隨事規拂，或抗直以揚名，或削藁而歸美，亦可以為忠矣。而未必

皆庶公方正之忠也。曰文與忠。惟公足以當之而無愧。合是二者。以定公行。傳之天下與來世。庶乎久而益信。謹議。

嘉定二年大學博士章棟上

覆

議曰。謚。古也。複。謚。非古也。謚法曰。謚生於行者也。苟當於其行。一字足矣。奚複哉。故侍講朱公沒於爵。未得謚。上以公道德可謚。下有司議所以謚。謹獻議曰。六經聖人載道之文也。孔子沒。子思孟軻更述其遺言以待斯世。

文幸未墜。漢末諸儒采收

錄景道命錄收作振

以資文

墨。鄭司農王輔嗣輩。又老死訓詁。謂聖人之心。真在句讀而已。隋唐間。河汾講學。已不涉聖賢閭奧。韓愈氏出。特其文近道爾。蓋孔子之道。賴子思孟軻而明。子思孟軻之死。明者復晦。由漢而下。闇如也。及本朝而又明。濂溪橫渠剖其幽。二程子宿其光。程氏之徒。噓其焰。至公聖道燦然矣。公之學。以誠持中。敬持

外。其於書舍六籍。則諸子曲說。不得干其思。其於道。不敢深索也。恐入乎幽。不敢過求也。恐汨其統。讀書初貫穿百氏。終也縮以聖人之格言。自近而入微。由博而歸約。原心於眇忽。析理於錙銖。采衆說之精。而遺其粗。集諸儒之粹。而去其駁。嗚呼醇矣哉。孟氏以來。不多有也。公中科第。猶少也。薄游徑隱。悶門潛思。朝廷每以好官召公。莫能屈。不得已而出。

惟恐去之不早。自官簿書考者九。而閑居者四十餘年。山林之日長。問學之功深也。平居與其徒磨切講貫。皆道德性命之言。忠敬孝愛之事。由公學者必行已莊。與人信。居則安貧而樂道。仕則尊君而憂民。重名節而愛出處。合於古而背於時。若此者。真公之學也。嗚呼。師友道喪。人各自是。公力扶聖緒。本憲宏濶。而弄筆墨小技者。以為迂。癯於山澤。與世

無競而汨沒朝市者以為矯自童至耄動以
禮法而跼弛於繩墨者姍以為誕世嘗以是
病孔孟矣公何恨焉初太常議以文忠謚公
按公在朝之日淺正主庇民之學鬱而不施
而著書立言之功大暢於後合文與忠謚公
似矣而非也有功於斯文而謂之文簡矣而
實也本朝歐蘇不得謚文而得者乃楊大年
王介甫介甫經學非醇也其事業亦有可恨

楊公正復文士爾文乎。

謹案道命錄作文乎文乎

豈是之

謂乎。世多評韓愈為文而非也。原道謂軻之

死不得其傳斯言也。程子與之。公晚為韓文

立考異之書。豈其言

謹案道命錄言作心

亦有合歟。請

以韓子之謚謚公。謹議。

尚書吏部員外郎兼考功郎官劉彌正上

奉聖旨依

嘉定三年庚午五月。贈中大夫寶謨閣

直學士。理宗寶慶三年丁亥正月。贈太師

追封信國公。御批云朕每觀朱熹所著論

語中庸大學孟子註解發揮聖賢之蘊羽翼
斯文有補治道朕方屬志講學緬懷典刑深
用歎慕可特贈太師追封信國公謚如故誥
詞云天之未喪斯文以方冊之具在書者所
以載道厯古今而罕明惟我宋之化成有二
程之傑出雖博極羣經而窮理必提挈要旨
以示人故於論語大學之傳與夫子思孟軻
之作常誨人而不倦俾學者之易知沿襲既

訛本真浸失。嗣興道統。允屬儒先。具位熹

謹案

道命錄熹字上有華文閣待制贈寶謨閣直學士謚文朱十五字無其位二字極高

明而道中庸。多聞見而守卓約。凡六籍悉為之論述。於四書尤致於精詳。紛然衆說之殊折。以聖心之正。朕自親學問。灼見淵源。嘗三復於遺編。知有補於治道。載惟一節。歷萬四朝。早錫謹案道命錄早錫下有郡符二字今脫寫晚登謹案從。始終之際。待遇弗渝。然而學士隆名。博聞美溢。備

舉當時之茂典。未充列聖之盛心。是用析圭
五等之尊。定位三公之冠。申加禮贈。式究前
猷。噫。身沒言存。所恨邱原之難起。源深澤遠。
實同義理之無窮。尚其不忘。歆此嘉命。

王暨行

謹案道命錄命字下有可特贈太師追封信國公謚如故十三字

郊禮推封

制云。肇祀南郊。已訖泰壇之禮。推恩邇列。爰
申禰廟之褒。式重典刑。用昭愍錫。具位素心
潛列聖。德配前修。家有成書。發千古不傳之

祕戶多滿屨為四方來學之宗聽白首於禁
塗。噉孤忠於講席雖用之不盡莫紆經濟之
懷。然仰之愈尊游厚推崇之典茲繇令子克
相精禮適當竣事之初宜舉因心之教維垣
極品已增松檟之春廣信稱公不改封疆之
舊諒惟英識克對殊休。陳車行寶慶三年正月
口日。紹定三年庚寅九月改封徽國公用
鄒克例也。誥詞云饗明堂而沛澤具有彛章

謂故國以移封。式遵

謹案道命錄遵作尊

儒道昔屢舉

褒揚之典。茲再疏追禋之恩。眷我宗工。若時
明訓。具位熹傳孔孟之學。抱伊傳之才。講道
以致知格物為先。歷萬世而無弊。著書以抑
邪興正為本。闢百聖而不慙。阜陵知之而有
廉靜之褒。寧廟用之而賴論思之益。非漢唐
諸子所可擬議。於伊洛二老尤能發揮。肆予
訪落止之初。深有不同時之恨。每閱四書之

與旨。允為庶政之良規。雖已加禮贈之崇。然

未盡憲章之善。適逢禮歲。載錫嘉名。爵之父

母之邦。位以公私

謹遵道命錄私作師

之品。豈專踵故

式表教忠。噫。指書杜而封。斯道遂明於今日。

即桐鄉而祀。厥光瓊

謹案道命錄瓊作賈

異於前聞。有

赫其靈。尚淑爾後

鍾震行謹案道命令錄後字下有可依前贈太師改

封嚴國公謚如故十四字

紹定三年九月某日

嘉熙二

年建寧守臣王堃創建朱子祠。請於朝。御書

建安書院額匾賜之。淳祐元年辛丑正月。詔以朱熹從祀孔子廟廷。淳祐四年。詔改滄州精舍為考亭書院。御書額匾賜之。淳祐六年。徽州守臣韓補徙朱子祠於江東道院故址。御書紫陽書院額匾賜之。度宗咸淳元年九月。命宰執訪司馬光蘇軾朱熹後人之賢者以聞。咸淳五年。詔婺源祠所稱文公闕里繡使方逢辰書額。元至元元年。

三月。婺源知州于文傳請於朝。得旨。勅立徽
國文公之廟。至元二十一年十二月。追謚
父韋齋曰獻靖公。誥詞云。考德而論時。灼見
風標之峻。觀子而知父。迨聞詩禮之傳。久閤
幽堂。丕昭公論。故宋左議丞郎守尚書吏部
員外郎兼史館校勘累贈通議大夫朱松。仕
不躁進。德合中行。邇鄒魯之淵源。式開來學。
闡圖書之蘊奧。妙契元機。奏對雖忤於權奸。

嗣續篤生於賢哲。化民成俗著書滿車。既繼志述事之光前。何節惠易名之孔後。才高弗展。嗟沉滯於下僚。道大莫容。竟昌明於永世。神靈不昧。休命其承。可謚獻靖公。至正二十一年十二月某日。至正二十二年二月改封齊國公。誥詞云。聖祖皇帝命錄有上天眷命皇帝聖旨蓋聞十字無誥詞云。聖賢之蘊載諸經。義理實明於先正。風節之厲垂諸世。褒崇豈間於異時。不有鉅儒。

孰膺寵數。故宋華文閣待制。累贈寶謨閣直
學士。太師。追封徽國公。謚文朱熹。挺生異質。
蚤擢科名。試用於郡縣。而善政孔多。迴翔於
館閣。而直言無隱。權奸屢擯。志慮不回。著書
立言。嘉乃簡編之富。愛君憂國。負其經濟之
長。正學久達於中原。渙號申行於仁廟。詢諸
僉議。宜易故封。國啟營邱。爰錫太公之境土。
壤隣洙泗。尚觀尼父之宮牆。徧想英風。載欽

新命可追封齊國公。餘並如故。至正二十二年二月某日。朱子自題畫像。從容乎禮法之場。沈潛乎仁義之府。是予蓋將有意焉。而莫能與也。佩先師之格言。奉前烈之遺矩。惟闇然而日修。或庶幾乎斯語。自題畫像詩。蒼顏已是十年前。把鏡回看一悵然。履薄臨深量無幾。且將餘日付殘編。趙氏汝騰贊。理明義精。德盛仁熟。折衷羣言。如射中鵠絕。

學梯航。斯文菽粟在慶元初中行獨復。草
廬吳氏贊義理密微。蠶絲牛毛心胸恢廓海
濶天高。豪傑之才聖賢之學景星卿雲泰山
喬嶽。款明永樂十二年三月雲間沈度拜
書鈐印一。沈度紫陽朱文公先生年譜附
錄卷之四終。

後幅題跋

國初法書盛推雲間二沈。而民則尤為傑出。

此書文公朱夫子年譜益加謹飭宜乎前後
數萬言而始終一轍也珍之珍之長沙李東
陽識鈐印二西涯賓之

冊內分鈐

高宗純皇帝寶璽乾隆御覽之寶乾隆鑑賞

鑒藏寶璽

五璽全

寶笈三編嘉慶御覽之寶

四冊同

收傳印記文儒李姓貞伯父印子孫長寶表
節褒學之家

謹案李公晦著朱子年譜三卷魏了翁為之序其本已不傳於世明嘉靖間有李默重輯

本而多竄易公晦之舊國朝王懋竑根據朱子遺書參證精詳成年譜

欽定四

庫全書並考異四卷附錄二卷今

度書沈度洪武時人其所見當在李默未經
改易之前故全錄以存舊本


明邊文進畫羣仙拱壽一軸

本幅絹本。縱五尺七寸。橫三尺一寸六分。設色畫古松一本。下蔭水仙一叢。款甲戌四月望前二日。隴西邊景昭製。鈐印一。景昭之印。

鑒藏寶璽

五璽

寶笈三編



明趙壽猿猴獻壽圖 一軸

本幅絹本。縱三尺二寸一分。橫一尺六寸三分。設色畫叢樹下一羅漢。紫袈裟。兩手托鉢。閉目趺坐。草間跪一猿猴。捧桃以獻。無款。鈐印二。壽。南山。

鑒藏寶璽

五璽

寶笈三編

謹案趙壽字南山。工畫人馬。見書畫史。

